




硃批諭旨

程元章奏摺



硃批程元章奏摺

福建學政臣程元章謹

奏為恭謝

天恩事竊臣中州菲材備員史館蒙

皇上特簡臣提督福建學政跪聆

聖訓時切悚惶乃到任甫及年餘即蒙

特恩超陞臣翰林院侍講旋陞侍讀旬月之間疊膺

寵擢聞

命自天感激無地夙夜捫心惟懼素餐又蒙

特恩賞給臣每年養廉銀三千兩臣何人斯屢受格外

硃批諭旨



隆施是臣一飲一食俱荷

皇上生成之恩撫躬省慮感愧交并惟有竭盡犬馬心力以圖仰報

高厚於萬一耳爲此繕摺

奏謝

天恩謹

奏

覽奏知道了訓飭士子毋辭任怨切戒徇私廢公善柔沽譽勉之

福建學政臣程元章謹

奏爲遵

旨保舉事竊臣兩次跪讀

上諭令內外臣工各舉所知仰見我

皇上以至誠信任臣子而欲其所舉皆實務使野無留

聖賢良此曠古未有之

盛典臣敢不警惕慎重細思臣之鄉里戚族中有爲人命之謹愿而才實不足有爲者有文學可觀而不敢信

聖恩其有守者惟有臣親堂弟廩生程慶章年四十歲

居家孝友端方操守堅定臣所素知隨臣在閩看

文兩年晝夜苦心幫臣剔除內外積弊其才尚可

硃批諭旨

二

程元章

任事近因臣祖年老於四月間回家省視且苦志讀書欲赴明年鄉試伏乞

聖恩許臣於三年考試事竣復

命之日帶領叩見

天顏可否堪任仰候

聖鑒爲此謹

奏

已有旨諭部矣

福建學政臣程元章謹

奏爲凜遵

聖諭叩謝

天恩繕摺恭繳事竊臣於按考福寧州科試畢回省督

臣高其倬差官齎捧

皇上御批臣謝

恩奏摺到臣隨恭設香案跪接叩頭捧至靜室跪讀字

字銘刻於心不敢怠忽於九月出巡按考興泉漳

等府科試於十二月初抵漳州處處嚴訓不少寬

貸敬奉

聖諭以行臣查泉漳等府士風之澆無過好鬪好訟抗

糧三件須力懲此三者以挽頽風臣歲試放告所

殊批諭旨

三

程元章

收投告生監詞狀至數百張所准批發府縣官審
實應責應革俱按法懲治科試所收詞狀不過數
十張地方及教官云伊知學臣不為偏護近稍斂
能如此實心任事秉公執法雖極刁頑習俗未有不感
敢臣因是知人情未有不畏禮守法實由向來縱
化改革之理然亦不可過嚴期酌適中為之
容習慣者久耳以臣庸才常愧不能砥礪士風有
負職守惟有益加奮勉毋敢徇私毋敢沽譽竭盡
犬馬心力以仰報

聖恩高厚於萬一耳所有奉到

硃批奏摺理合恭繳謹

奏

立志甚好竭力勉為之朕又簡命觀風整俗使來閩協
助汝等化導庶果能挽回積惡俾風移俗易汝等造
福於地方寧有涯量耶

皇上福建學政程元章謹

奏為凜遵

聖諭恭謝 皇上聖諭式式咸盡 聖訓其
天恩繕摺奏繳事竊 聖於本年四月在建寧府科考督
 咂高其俸差人齎捧 聖諭以恭受

皇上御批 聖奏摺到 聖隨恭設香案叩頭跪接捧至靜
 皇上室跪讀仰見我 皇上聖訓之嚴明 聖諭之

皇上用中建極事事以公正持平之道開迪臣子洵非
皇上庸淺之識所能見及萬一臣字字銘刻於心愈
加小心敬慎斟酌辦理斷不敢以深受

恩寵而遂稍有任情率意之舉也臣身膺提學必使風
俗醇厚士習端方乃爲盡職拔取文章特其一端
奏耳茲蒙

皇上欽差觀風整俗使來閩處處宣揚

聖諭是

皇仁普被旣蠲賦截漕以資其贍養又匡直輔翼以發
其天良從此士習民風未有不歸涵濡甄陶而蒸

聖德蒸向化者臣於十月後差滿候新舊交代尚需半
年現在司理學政一日務竭一日之心不敢以觀
風整俗使到而作局外旁觀推諉辭勞有負我

皇上高厚隆恩也所有領到

硃批訓旨理合恭繳謹

奏

朕今命爾署理浙江藩司事務當竭力洗滌向來科甲
習氣將一切因循黨庇營私而不急公求名而不務實
等疵屏除淨盡一意效法李衛之居心行事可也汝到
浙與李衛共事後方知迥非高其倬督撫輩心行之可

硃批諭旨

五

程元章

比者勉之

福建學政臣程元章謹

奏為恭謝

天恩敬陳愚悃事竊臣保舉親堂弟程慶章因其人尚
可策勵奮勉是以奏請於臣復

命之日帶領叩見

天顏乃即蒙我

皇上有旨諭部臣與臣弟何人竟承

天語煌煌榮及蓬華雖其可否堪任尚候

聖鑒而臣聞

命之下感激悚惶愈深驚懼臣謹望

闕叩頭恭謝

天恩至臣冬月差滿之日理應星馳復

命但念臣祖年九十歲臣父年六十四歲前蒙

特恩寬假由河南省親後赴任今再叩懇

天恩賞假俾臣祖孫父子相聚數日則臣祖與臣父均

奉戴

皇仁於生生世世矣謹

奏

汝抵浙後看地方事體光景與李衛商酌再行具奏請

硃批諭旨

六

程元章

假汝祖雖年逾耄耄若身猶強健迎至任所朝夕團聚
不亦美乎

署理浙江布政使臣程元章謹

奏爲恭謝

天恩事竊臣中州庸才蒙

皇上特恩著臣提督福建學政三年之間涓埃未報乃

蒙

皇恩疊沛以編修超陞至詹事府少詹事

寵榮逾分儆惕靡寧茲又蒙

特恩命臣署理浙藩印務聞

命之下愈加儆惕臣思布政使乃一省總匯衙門政務

殷繁錢糧重大而臣又庸碌無能一切地方事宜

全未經理卽矢竭犬馬心力不能無才小任大之

懼伏乞

皇上睿鑒於臣負荷不勝之時

恩召來京俾臣日聞

聖訓黽勉學習則臣之有生皆沐我

皇上生成栽培於無旣矣爲此繕摺恭謝

天恩謹

奏

硃批諭旨

七

程元章

事屬一體奚慮大小理無二致何分難易如能洗滌向時因循黨庇潔身而不奉公沽譽而不體國之陋習忠勤職守懋勉實政何有不勝任之慮李衛非比高其倬一流不肯爲國家致身之督臣也當以爲楷模而效法之事事領教請益伊自然推誠相告和衷協謀可無失誤之虞也勉爲之倘或仍執科甲鄙見不肯實心改革豈特李衛不能有益於汝朕亦無如汝何矣

署理浙江布政使臣程元章謹

奏爲奏

聞事竊臣奉

旨署理浙藩星馳就道自入浙境目睹早稻盈疇處處成熟雨水調勻太平景象臣喜不自勝隨於本年八月初三日到任陸續據各屬申報早稻收成分數前來雖有十分九分以及八分七分六分不等合之通省分數要皆大有之年再查今歲八月大潮之汛已過各處沿塘堤壩俱保無虞止有海寧縣草塘坍埝數處會稽縣海塘衝壞一處現在飭令搶修堅固其餘俱慶安瀾居民亦皆樂業臣謹

奏繕摺奏

聞伏乞 聖鑒

殊批諭旨

八

程元章

皇上睿鑒謹

奏

據奏早稻成熟堤壩俱保無虞朕懷深慰其業已蒞
署理浙江布政使臣程元章謹
奏爲跪讀

御筆訓旨繕摺奏繳敬陳愚悃恭謝
天恩事竊臣於八月初三日到浙江布政司任跪接
皇上御批奏摺到臣欽承

訓諭命臣竭力屏除科甲向來因循黨庇求名而不務
實之陋習跪讀之下感激悚惶益加奮勉臣前在

福建學政任內矢公矢慎力除此弊無論其居家
之翰林進士舉人不容干求卽現在福建由科甲
而居顯位者臣亦不敢徇私廢公一毫瞻顧卽如
臣由閩赴浙之前一日鹽驛道孫國璽來告臣云
現有你的上司署浙江巡撫蔡仕舛聞你做屬官
差人連夜趕來有書子說他兒子蔡登魁不應考
試可混附入拔取錄科之中你意如何臣聞之心
中不服卽回云三年來不容人之干求豈可因做
他的屬官卽順情的道理斷然不依孫國璽亦云
你此時不順從的極是如順從卽爲受挾徇私矣

只是他家人可惡出言不遜說此時比不得做學
院既做我們的屬官還敢作怪麼我聞此言未免
著惱將他家人叱呵幾句將書子擲還他去了等
語臣於此時亦毅然拒之無所瞻徇畏懼臣於八
月初三日到任初六日署撫入闈至十三日署撫
忽傳杭守入闈吩咐如今外簾新例用的是幾箇
府州縣佐貳官辦事遲鈍可傳諭布政司速選幾
箇科甲人入闈辦事臣驚駭云士子考過兩場如
何另選得外簾官違科場條例即是違
旨這斷行不得至下午杭守又來說蔡大人之意定要

如此臣又回云大人要行我當以科場條例具詳
斷不敢委曲順從似此等違例壞法之事無論其

有弊與否臣心中惟知有

朕嘉悅覽之凡為臣者能視君為一體知世間可親信
皇上不敢周旋現任上司更何敢瞻徇科甲情面臣到
者莫如君不可以對父母妻子者何告之於君能存如
任督臣李衛已回江南一月聞其三日五日必有
此想何患朕不視汝為心膂也勉之勉之
信與署督撫或云科場當動何項錢糧或云海塘

當如何修築或云補漕倉穀當乘此豐年及時購

買卽此觀之其身雖在家而其心實無一日不在

李衛除實心任事外無他伎倆也朕之所以重伊者在
浙如此公忠體國為公而不為私之大臣臣實在
此其餘一切施措學問經濟邊論之中才尚屬不及可
心服臣當遵

見人但能建立根本縱枝節間小有出入實屬無妨止
旨事事效法至臣於地方情形應行辦理之事亦必具
效法其存心處可耳

摺奏

果能無欺隱朕復於汝何責焉勉之
聞不敢隱匿惟是藩司衙門書吏甚多而弊端亦多臣

到任數日支放提標閏月米折銀兩卽有書役邵

瀚與營弁通同索取陋規每石四分於提督處發

覺臣當卽鎖拏收監俟會同臬司審究此事雖在

此等過咎不足為咎也

臣到任數日之內而失察之咎亦所難辭再臣到

任卽催辦乍浦水師滿營糧餉適署督臣性桂閱

視海塘署撫臣蔡仕勛入闈所有撥定糧餉必俟

督撫批詳到日始辦恐趕不及臣卽一面具詳一

皇上面行府縣速運及水師兵到而糧餉已先到齊幸
咸肯似此實心擔任辦理諸務朕惟恐汝之不敢擅專

無遲誤如此不候督撫批到卽行非臣敢擅專實

聖旨酌量緩急情形有不可拘泥之處耳再臣前摺

奏請

皇上賞假省親者原為今冬明春復

命之日便道而言也今蒙

天恩授臣以藩司重任一切庫帑及地方事宜正需料

天恩理卽臣祖父家信中諄諄訓誨俱以臣受

賜來人參貂皮乃朕與汝祖汝父者遇便寄回家中杭

聖恩高厚不當以家為念臣何敢置
州一水可達若迎養任所豈不更美乎
國家公務於不問而卽先顧其私乎為此繕摺具

殊批諭旨

十一

程元章

奏并繳

御筆訓旨三摺叩謝

天恩謹

天奏

所奏朕甚嘉之堅持此志毋稍遷移可也

署理浙江布政使臣程元章謹

奏為跪讀

聖訓感激銘心繕摺恭繳再陳愚悃事竊臣於十月十

八日跪接

皇上御批奏摺到臣隨捧至靜室跪讀荷蒙

聖恩優賞訓勉臣感愧交集倍深悚惶伏念臣識淺才

庸蒙

皇上授以重任刻刻儆惕不敢不竭盡心力凡屬當行

之事挺身協辦不敢諉卸亦不敢執謬倘於

國家成例有礙之事即督撫亦不能強臣以必從臣

也凡預有所見皆屬私意未可以止告

君父而後安惟乞

皇上時加訓誨俾臣得以祇奉辦理也為此繕摺恭繳

御批謹

奏

殊批諭旨

十三

程元章

但循理而不尚氣方稱大丈夫之行爲聖人貴和而不
流太上不敢爲天下先能於此處得力何往而不利貞
也

署理浙江布政使臣程元章謹

奏爲密陳事竊臣到任之初卽料理水師滿營赴乍
浦先催運糧餉次作四次委官護送其家口臣密
問護送之官及平湖知縣水師營踴躍如何皆云
糧餉不敷其用不免窮愁之狀臣查此水師八百
名有在杭之未汰兵三百七十四名原食甲糧每
月領米二石五斗餉銀二兩馬乾銀三兩原可贍

養八口十口之家一入水師卽去其馬乾三兩爲
數已減尚可支持而又報故一名卽汰去一名不
能常得此數其新拔之四百二十六名每月只領
銀二兩五錢米三斗實在不敷其用卽就現在相
形而論同一水師同一操練新拔者與未汰者食
餉相去懸遠亦未爲均平近蒙我

皇上仁恩疊沛格外賞給生息銀數萬兩滿漢各營俱
歡欣踴躍感激無地獨此水師滿營日用艱難未
免有殷殷待

澤之想臣看海疆重地設立水師所以捍外而衛內倘

其內顧心憂恐非所以鼓勵軍心也臣因密語於督臣李衛亦與臣見相符爲此謹陳愚見此滿營水師不必加糧而可加賞欲議加賞宜先定罰或每月大操一次其勤習熟練者賞銀米若干其懶惰生疎者除不賞給外尚當懲戒如此則恩與威竝用而賞罰予奪之大權總由我皇上主之而勤者感激愈奮卽惰者亦鼓舞爭先矣臣職司出納非不知國帑爲重敢於糜費錢糧緣目睹艱難情形不敢不據實奏

聞伏乞

聖鑒謹

奏

所奏可嘉自另有諭旨至於以賞罰勸懲而寓養兵之論殊有未協若不限以一定之數如何久遠循行此見頗屬迂疎

署理浙江布政使臣程元章謹

奏爲奏明晚禾豐收米穀價平海塘安瀾地方寧謐事竊照浙省今值萬寶告成所有晚禾收成分數據各屬稟報前來自十分九分八分以及七分六

分不等米價自七八九錢一兩至一兩一錢不等
再查浙省錢糧素稱難追自我

皇上沛從古未有之鴻恩既減嘉湖浮糧永著爲例今
歲又蠲免十分之二額賦六十萬兩士民頂戴

皇恩慕義向風輸將恐後時維九月而全完者則有嘉
興府屬之嘉興秀水平湖石門桐鄉嘉善海鹽七
縣杭州府屬之富陽縣嚴州府屬之壽昌縣寧波
府屬之定海縣解司地丁悉報全完現在本年錢
糧通省未完者不過四十餘萬明歲奏銷似可通
完此實浙省從來難得之事而獨見於今日者也

再浙江海塘於九月初二初三兩日風潮大作報
到海寧縣草塘石塘坍卸數百丈臣卽親赴海寧

一路閱看隨將看過潮險情形及搶築工程回至
省城據實申報署督撫多委人員修築臣觀浙江
潮勢全歸海寧其西南紹興所屬地方近有漲出
田畝現在勘丈報墾所以潮勢側注直逼海寧也
查從前塘外尚有數里漲沙護塘至今年六七月
大潮將沙土刷洗無存潮汛每日早晚去來四次
衝刷塘根實甚危險其草塘之坍卸則有曹殿壩
陳文港數處東石塘之坍卸則有華嶽廟念里亭

數處幸而有督臣李衛預撥鹽務銀一萬兩委道員王斂福督同在工人員搶修杜築方保無虞而其衝刷之勢則未全寧息也臣看閱塘工後將題撥秋汛銀兩詳明署督撫發銀二萬兩督臣李衛回任後親驗情形又發銀一萬兩辦料興工乘冬月潮退修築以防春汛大潮理合恭摺奏聞謹

奏

搶修草塘等處坍塌幸保無虞深慰朕念但海塘乃浙省第一要務當竭力協助督臣敬慎爲之時刻不容疎

忽者

浙江布政使程元章謹

奏爲恭謝

天恩事竊臣於本年正月接奉督臣李衛轉行部文到

臣蒙

聖恩實授臣浙江布政使臣隨恭設香案望

闕叩頭謝

恩除詳請督臣代

聖題叩謝

天恩外臣才識淺陋伏讀

硃批諭旨

御筆訓旨以循理而不尚氣教臣仰維

聖言中正和平該括天地古今經常不易之理臣日夜

恭繹刻刻銘心臣嘗見賦氣餒者不入於推諉廢

事即流為俯仰從人而賦氣壯者不入於偏執自

用即流為慷慨爭先夫推諉廢事其心固不堪自

問而慷慨爭先其道亦未為全是總之立一念行

天只一事實是為

國可以上告

君父不但督撫可擔即藩司亦可擔也如實非為

國不敢以上告

君父不但藩司不敢擔即督撫又豈敢擔乎此中只爭

公私之界是理與非理之間而一切矜才恃氣總

無所用之臣惟夙夜省惕悉心體會

聖諭理氣二字凜遵以行斷不敢頃刻有違也謹繕摺

恭繳

聖諭叩謝

天恩謹

聞奏

所立之志及所見處俱是矣惟當加勉實行

奏浙江布政使臣程元章謹

硃批諭旨

七

程元章

奏爲據實備陳海塘情形事竊海塘爲浙江第一要政臣曾兩次具摺奏

聞蒙

聖諭諄切臣時刻警心不敢疎忽上年十二月底及今年正二兩月報草塘坍埝六十餘丈臣卽親往逐段細加勘驗查西塘自華家街至浦兒兜長二千餘丈俱爲草塘草塘者用柴加土築成堤岸潮平可以無虞潮險不時坍埝隨坍隨築恐不可恃所以督臣李衛奏請於草塘內再築石塘一道以備潮汐現在勘丈估修過草塘之東爲五百丈大石

塘此大學士朱軾爲浙江巡撫時所修也其塘底用梅花椿上用大石版層層合縫工程堅固竝無坍卸過大石塘之東經海寧縣至尖山七十餘里俱爲塊石塘塊石塘者用大小石塊參差錯雜堆砌成牆原不過一二尺內用土築不用灰不合縫料物原儉而工程亦不堅固外用坦水二三四層不等坦水如階級式外用椿排內填石塊以緩潮之勢保護塘根法非不善但前年有漲沙數里潮不爲患及至沙洗無存而坦水塘身多至坍卸有報坍數丈數十丈者現在就其坍塌段落改築條

石塘下寬八尺頂寬五尺庶乎可以禦潮矣但臣細看舊日塊石塘工俱屬鬆薄不堅此修彼坍實無一段可以站立者今欲將數十里盡行拆修不惟浩費不貲難以動工且潮刷塘根亦不敢俱行拆毀與修也臣卽將勘驗情形與李衛再四商量現在有陳世侃所捐之四十萬兩以爲備工辦料之需坍卸一段改築條石一段其未坍之處俱飭工員加土培濶卽塊石坍卸而尚有堅土捍禦可以搶築日下督理塘工杭嘉湖道王斂福人頗耐勞修理亦勤工員同知吳弘增李張李飛鯤三人

分段趕築無敢諉卸其所修工程亦屬著力將來命之可以無虞理合據實奏為以憑聖裁謹聞謹奏

恩奏蘇州中州林四候史請不遵平問荷榮

敬慎料理毋致少有疎虞

浙江布政使令陞安徽巡撫臣程元章謹

奏爲恭謝 天恩瀝陳下悃叩請 聖訓事雍正八年五月二十四日臣接到督臣李衛准

天恩瀝陳下悃叩請 聖訓事雍正八年五月二十四日臣接到督臣李衛准

聖旨吏部咨奉 辛丑五月二十四日 聖旨 候旨 李壽 著
上諭安徽巡撫魏廷珍著調補湖北巡撫安徽巡撫員
天缺著浙江布政使程元章補授魏廷珍程元章俱著
卽赴新任若有奏請訓旨之處具摺陳奏欽此轉行
到臣臣隨恭設香案望 聖 跪 叩 頭 謝
闕 叩 頭 謝

恩訖竊臣中州菲材叨列史館不數年間荷蒙
聖恩超擢陞授安徽巡撫聞

命之下感深五內悚惶莫措伏思巡撫乃封疆重寄通
省事件無一非其職任以臣庸愚豈能動合機宜

仰懇我

皇上允准平仄身安榮新風雨
陛見俾得稽顙跪聆
聖訓不但微臣戀禩至安
主誠悃得以稍慰而祇奉

訓諭辦理庶可不致貽誤封疆爲此繕摺恭謝

天恩叩請 聖 恩 謹 叩 頭 謝
陛見謹帶 聖 恩 未 詳 且 竊 鳳 二 孫 與 賊 水 災 聖 恩

奏爲 蘇 豫 賑 恤 伏 乞 聖 恩 欽 此 謹 叩 頭 謝

目下不必來京往赴新任聽候諭旨

殊批諭旨

三

程元章

安徽巡撫臣程元章謹

奏為謹將經歷地方情形據實陳奏事竊臣於上江一帶地方多未經歷且廬鳳二府現報水災臣思天恩由大江揚帆赴任則地方情形竝無見聞臣隨渡江由陸路赴任所有臣經歷地方情形一一為我皇上陳之以備聖覽

臣自江浦縣至安慶府將及千里經過滁州定遠合肥舒城桐城等州縣雨水調勻禾稻茂盛米價亦平民俱安樂惟鳳陽府屬之臨淮懷遠并泗州數處貼近淮河一遇水漲常多被災報到日臣

即於途中委員星飛確勘撫恤另疏題達

臣看廬鳳二府田多荒蕪細察所由其地習俗多靠婦人耕種男子遊蕩以致可耕之田無不拋荒地地方官多置不問臣即面飭府州縣諄告以省耕勸墾之道倘申飭過一年之後田不勸墾民俗游惰惟該地方官是問

一江北一帶乃江西廣東等省驛路通衢京餉不時過往竟有二三十里無一營汛者甚屬可虞臣即面飭州縣寬以三月限期令確查一路險要荒

僻營汛疎濶之處詳明酌量添設已設營汛之處俱行修葺完好如再廢弛定卽嚴叅
一臣到任伊始地方官賢否未能周知其大槩光景推諉廢弛者居多俟臣訪查確實秉公舉劾不敢絲毫瞻徇有負我
皇上簡畀重任之至意

一各州縣倉穀現在委員查盤藩庫錢糧速催署司劉柟查盤出結後臣卽親赴江寧查盤清楚具
題
一刑名案件關係尤重安徽臬司一缺於臣到蘇

州接印時署督臣史貽直云已題委江安糧道劉永璜署理矣臣雖未與劉永璜共事而史貽直旣經題委自必實有所見臣看其辦理刑名何如再爲據實陳

奏

一安慶府城枕臨大江上接湖廣江西下通江寧等處省城相去俱有數百餘里盜賊出沒其間撫標城守水陸各營最關緊要從前撫臣每不親加操閱以致營伍廢弛臣蒙

皇上特恩授以封疆重任何敢仍蹈前轍不加整頓現

在嚴飭將弁按期操演臣再不時親閱以示鼓勵
以上數條臣識淺才庸膺茲重任蚊負難勝伏乞
聖恩詳加訓誨俾臣得夙夜凜遵以期仰報
高厚於萬一謹

奏

覽所奏各條俱悉竭力勉爲之毋辜負朕之委任

安徽巡撫臣程元章謹

奏爲詳陳地方情形事宜仰懇

聖訓事竊臣於到任後卽將臣所經歷見聞略陳梗概
至今二十餘日以來臣趕辦未接任時壅滯一切

刑名錢穀案件仍詳加訪詢關係地方緊要事宜
有廢弛日久不得不整頓者數條爲我

皇上陳之一沿江要地營署營房煙墩塘船等項亟宜
修葺也一廬州府城內河道亟宜開濬也一城垣
坍塌所宜亟修也臣查江塘巡船所費不過十兩
之內塘汛營房墩臺望樓等項所費無多仍責成
地方官修理至城垣河道工程以及水旱偏災急
需非府縣官所能捐辦而正帑錢糧亦不可輕動
兼聞各府州縣尚有未全報出之鹽商規禮銀兩
俟臣查出若干奏爲辦公之用再署藩司噶爾泰

會統報藩庫盈餘銀五萬餘兩撫臣衙門竝無冊
案可查俟臣查盤藩庫後逐款詳悉

奏明仰懇

皇上睿裁賞給辦公則緩急有賴而地方事宜可以漸
次整頓矣謹

奏

此奏高其倬帶往江南與程元章會商辦理

臣安徽巡撫程元章謹

奏為敬陳愚悃恭請

聖訓事竊臣查山東被水饑民蒙

聖恩蠲免錢糧發帑賑恤固已共慶生成不致失所矣

而其素無產業佃田傭工不能自立之人亦有一

遇荒歉未待賑濟卽扶老攜幼匍匐鄰境就食者

望臣查上江地方外來饑民雖不甚多而其情形亦甚

堪憫現在署督臣史貽直與署藩司劉枏將奏留

署司噶爾泰養廉銀三千餘兩助給盤費遞送回

籍是亦毋使流離失所之意臣思此等饑民旣跋

涉資二千里來至上江目下米價甚平壯者或佃

田傭工覓食亦易其老幼廢疾不能謀食者臣查

上江原有捐積之米每畝二合存貯各州縣以為

備賑之需臣移會督臣酌量動支按名日給三合
可以不至饑餓度此寒冬俟明年春和再設法勸
諭資助回籍庶為安全再遏糴一事最為各府州
縣之通弊其意以為鄰境搬運恐豐收者或至不
足職守地方不得不然殊不知無分此疆彼界均
是

聖朝赤子運此地之有餘以補彼地之不足憂樂相關
豐歉與共庶幾仰副我

皇上四海一家萬物一體之至意况豐歉原無定所目
望前鄰境藉資於此地安保此地不藉資於鄰境豈

可拘守一偏之見致使災患竟不相恤江蘇所屬

被災地方鄰近安徽者不能不資安徽安徽山東

被災地方鄰近江蘇者亦不能不資江蘇臣與江

蘇撫臣尹繼善彼此咨商通行禁止遏糴庶豐歉

得以相資而民食不至艱難矣為此謬陳管見伏

懇乞下不韋

聖訓謹察其

奏容

已有諭旨矣

安徽巡撫程元章謹

硃批諭旨

三五

程元章

奏爲據實陳奏事竊臣到任數月以來訪確聲名狼籍不堪之太湖縣李佳士六安州李懋仁斷難姑容已經臣具

題劾叅其勤慎供職試俸已滿者臣已經會疏保題其才不勝州縣之任者俟臣酌量

題請改用教職其餘州縣若非貪劣昭著尚可勉勵者仍不時嚴飭以觀後效署按察司糧道劉永璜勤慎供職頗不瞻徇所屬知府七員安慶府知府徐士林操守好人明白太平府知府李暉謹慎勤敏池州府知府李士傑操守好人謹飭餘則俱平

常供職倘有查出瞻徇情弊斷不姑容以貽誤地方有負

皇上任用之至意也謹

奏

察吏爲督撫第一要務能如是留心甚好

安徽巡撫臣程元章謹

奏爲陳奏事竊臣才庸識淺辦理地方事務懼不勝任謹備細陳奏伏乞

睿鑒

一安慶所屬勘明夏被水災有宣城旌德懷遠銅

陵建平五縣勘明秋被水災有寧國無爲壽州鳳陽臨淮懷遠虹縣泗州五河潁上十州縣鳳陽長淮二衛俱已核明饑口造册放賑外獨鳳陽之靈璧縣被災實有七分而知府葉勇知縣吳之綱暨委勘之試用蒙城縣知縣魏允中通同隱匿捏結報不成災續據委員鳳陽道何宗韓等勘明諱災匿報是實雖經臣立即

覽

題參飛飭撥穀補賑而失察之咎臣實難辭也

一鳳陽府知府葉勇係忠節之後臣上年赴任過鳳陽府屬地方加勸勉冀其努力自愛無負

聖恩乃觀其人辦理地方事情俱浮而不實詢以屬官

賢否總是游移瞻徇之詞鳳陽要缺實不勝任臣
已經部議革職矣
不敢優容姑息以貽誤地方也

一捧讀

聖諭查賑咨送外來饑民臣與督臣咨商畫一大口每日給盤費銀五分小口三分一面查明造册賑恤一面咨會鄰省彼此接送給與盤費收留安插至饑民中有百工匠作素無田產專靠手藝營生者如一例送回本籍荒年既無雇覓工作其人又無田土可耕必致束手無策臣與督臣咨商於此等

理應俱稱便如聽從民便饑民則聽其在境工作謀生不必強送而其人亦

一上江所屬州縣積玩已久如墩臺營汛等項坍卸者甚多臣到任委員查看限以三月之內修理完固今春委員查驗而修完者尚不及半臣復與督臣俱在嚴催修理如仍前怠忽即行指叅以儆應實力督修以固汛防玩誤

一臣前奏請將藩司盈餘銀兩酌存辦公督臣高其倬到任後臣又商議此款銀兩藩司已造入正項册內部文撥解京餉無庸議留至臣所奏各屬

尚有未經報出之鹽規禮飭令報出存為公用各屬陸續報有數千兩尚未報齊督臣又云鹽臣伊拉齊亦查此項未便查奏臣思鹽臣與督臣撫臣所查均為辦公之用應否將此項留為地方官辦與督臣高其倬商酌而行當茲軍需浩繁之際內外宜公之用臣未敢擅便伏乞一體諸凡公用留意節慎聖裁

一安慶撫標城守三營弁兵宜按期操練以肅軍紀臣於二月操期又親看大操一次較上年冬間之操又覺熟習其兵丁中之衰老怠惰者汰革選補其年力精壯弓馬嫻熟者分別獎賞以示鼓勵

行勿怠不可徒託空言
三營弁兵亦無敢怠忽

此奏一刑名案件關係非細安徽所屬亦係繁雜按察
司未洞悉汝意或言王紘辦事之優與不及耶抑
或別有他故而預設是言耶明白更奏以聞
詳慎不敢稍有疎忽也謹

奏

逐條批諭矣

安徽巡撫臣程元章謹

奏為棍徒糾黨假公濟私沿門嚇詐大干法紀事竊

臣據署布政使劉柟詳稱據潁州詳霍邱縣有一
夥無賴光棍糾合多人將各保凡有田之家開列

長單以首告欺隱為名沿門嚇詐肯助盤費者即
去其名無論有欺隱無欺隱俱要詐財若不依從
定要列姓名詞狀拉到江寧安慶拖累到二三年
一單動開數十百家沿門恐嚇民心惶惶莫可言
狀等語又據潁州詳與司詳無異臣正在察訪間
於八月十六日放告果有霍邱縣棍徒蔣正陳班
姚文重方子亮朱恆等控首多人當據霍邱縣被
害民人陸從禮等十餘人當堂訴質嚇詐財物有
據隨發署按察使劉永璜審問據該司訊供詳報
據蔣正等供同夥八九人陳天爵為首嚇詐得數

十家米稻銀錢是實俱各供認不諱等因前來除將供認得財之陳班等五人并其夥黨批司轉飭該州縣訊明追贓究擬外其田之有無欺隱臣現在諄切出示令民據實自首與其隱匿不報徒飽光棍之慾壑何如遵

旨一首明安然爲

盛世之良民隨檄行該州縣勸導去後臣再有請者嚇詐財物罪在不宥而欺隱田糧亦法所難寬臣思該州縣除首報欺隱外尚有隱田亦未可知臣懇皇上天恩再寬以半年之限令其自首陞科如限內不

肯首報或經查出或經保甲告發令該地方官親行按冊抽丈多則計畝論罪小民諒亦無敢隱匿矣事關清查田畝臣不敢悠忽從事亦不敢孟浪輕舉伏乞

聖訓指誨俾臣得以祇奉辦理謹

奏

照所請准予寬限該部知道

安徽巡撫臣程元章謹

奏爲謹陳詳委屬員仰懇

聖訓事竊臣查府州縣缺出向例皆由藩司詳請委署

硃批諭旨

三

程元章

此雖往例而於安慶行之實有未便安慶去江寧布政使衙門七百餘里詳文往來一次每至半月有餘倘所詳未協再駁另詳或批定之後該委員別有事故又復遴員詳委往還稽遲每懸缺至三四月之久以致地方諸務每多廢弛臣請嗣後凡督臣主稿出缺之處卽就近令藩司具詳委署仍移咨撫臣衙門飭知臬司存案凡撫臣主稿出缺之處卽就近令臬司具詳委署仍移咨督臣衙門亦飭知藩司存案如此則員缺不致久懸而地方諸事均免貽誤矣爲此敬陳管見伏乞

皇上聖訓俾臣得祇奉辦理謹

奏

該部議奏

安徽巡撫臣程元章謹

奏爲恭報雨水米價二麥長茂情形事竊臣查正二月雨水調勻二麥長茂三月以後雨水較多二麥尚不至受傷安慶府屬米價每石八錢八分九錢一兩一兩三分一兩一錢不等徽州府屬中米價每石一兩四錢五分一兩五錢一兩一兩二錢五分一兩二錢一兩四錢不等上米貴者一兩六錢

五分寧國府屬中米價每石一兩二錢一兩二錢五分一兩三錢五分一兩四錢一兩五錢五分池州府屬中米價每石一兩一錢二分一兩五分一兩二錢五分一兩一錢不等上米貴者每石一兩三錢五分太平府屬中米價每石一兩五分一兩四分九錢五分不等上米貴者每石一兩一錢廬州府屬中米價每石一兩六分一兩五分一兩二分一兩一錢一兩二錢五分不等上米貴者每石一兩三錢鳳陽府屬中米價每石一兩一錢五分七錢八分一兩四

錢九錢五分一兩三錢一兩七錢八分不等滁州屬中米價每石一兩一錢一兩五分一兩不等上米貴者每石一兩二錢和州屬中米價每石一兩一錢五分上米一兩二錢五分廣德州屬中米價每石九錢一兩五分不等上米貴者每石一兩一錢六安州屬中米價每石八錢五分一兩一兩四錢五分不等上米貴者每石一兩五錢泗州屬中米價每石一兩五錢五分一兩二錢一兩三錢二分不等上米貴者每石一兩六錢潁州屬中米價每石一兩一錢二分一兩一錢五分九錢五分不

等上米貴者每石一兩二錢六分亳州屬中米價
每石一兩二錢一兩四錢五分一兩四錢七分不
等謹

奏

覽所開米糧價值甚屬繁而不明

安徽巡撫臣程元章謹

奏爲密陳事本年二月二十日准湖南撫臣趙弘恩

密咨到臣查曾靜所供姦人王澍根底家屬產業
及王澍舊日同窓原任耒陽縣知縣張應星家屬
現住徽州府先卽摘喚確訊王澍家屬下落并其

與王澍同窓交好之處移到王澍圖形一紙鈔供
冊一本臣當卽選差把總李奇前往徽州地方慎
密緝訪三月十二日據李奇密稟訪得張應星家
屬向住徽州府城內張應星已故伊子張秀公遷
移在休寧縣三十一都一圖小濱居住臣隨密飭
休寧縣協同李奇前往密查喚訊不得疎縱亦不
得驚累無辜俟拘到張秀公詢明伊父平日與王
澍同窓交好之處并王澍家屬下落嚴拏審究容

聞
臣另

奏外謹將密訪張應星之子張秀公住址下落先行

硃批諭旨

三

程元章

奏

聞謹

奏

覽奏知道了母得少有疎縱以及枉濫林連

安徽巡撫臣程元章謹

奏為盤查積貯以濟平糶事竊臣到任後撫臣魏廷

珍移交各屬實貯穀米共十五萬餘石臣俱委員

盤查取結由藩司彙詳

題報在案安徽所屬十四府州存貯倉穀僅有此數

係屬最少上年夏秋成災共十七處撥賑穀九萬

餘石續查出靈璧縣成災現在確查饑口撥穀補

賑共約費穀十萬餘石是一歲之賑而通省餘存

實貯不過四五萬石不足以濟今春平糶之需臣

查雍正四年蒙

聖恩特發銀十萬兩分派安徽各屬買穀貯倉備賑至

今尚未報銷巡撫衙門無冊可稽臣隨飭藩司確

造款冊如有虧缺即行

題叅據報各屬共買穀一十八萬五千餘石尚存銀

皇三千九百餘兩一面委員盤查令各地方官將

買貯穀石於此青黃不接之時酌量平糶以濟民

硃批諭旨

三

程元章

食以仰副我

皇上愛育黎民之至意爲此繕摺陳

奏伏乞

聖鑒謹

奏

覽奏已悉秉公竭力辦理以期無忝厥職

安徽巡撫臣程元章謹

奏爲恭報二麥收成分數事竊照今歲上江地方雨
暘時若二麥暢茂今已刈獲臣通行飭查據各府
州將收成分數開報前來俱有十分九分八分以

及七分六分不等其二麥價值大麥每石自三四
五錢至一兩一錢不等小麥每石自六七九錢至
一兩六錢不等又據安徽十四府州屬報到雨水
俱已霑足田禾插播齊全青葱長發可望有秋所
有二麥分數價值秋禾插播情形恐厯

聖懷謹繕摺恭

奏伏乞

睿鑒謹

奏

據奏閩屬二麥收成分數及雨水禾稻情形以手加額

硃批諭旨

五

程元章

覽之

安徽巡撫臣程元章謹

奏爲遵

旨陳奏事竊臣前奏安徽各屬春季米價一摺蒙

硃批訓旨覽所開米糧價值甚屬繁而不明欽此臣跪

讀之下恐懼戰兢惶悚無地臣前奏因據各屬所

報價值按其縣分挨敘以致價值高下錯雜無序

實屬繁而不明茲謹將春季各屬米價另繕清摺

再爲陳

奏伏乞

睿鑒臣不勝悚惕惶懼之至謹

奏

朕一閱目之所披閱及一切訓諭甚屬殷繁舉凡爾等奏

章朕皆自首至尾詳視不遺如或覽或不覽何必諄諄

命爾等具摺耶當諒朕心力所能擇緊要處簡明陳敘

以聞方是若動以幕賓門客綴輯閒文混行冒瀆甚至

以數兩幾分花賬連篇累牘任情開列以相煩瑣於心

恐乎思之

臣父安徽巡撫臣程元章謹

奏爲再陳愚悃事竊臣前密陳漕務關係重大不敢

硃批諭旨

奏

程元章

遽議停運一摺實臣區區愚衷不敢不敬陳於君父之前未蒙

諭旨訓誨臣彌切悚惶臣於另摺跪讀

訓旨當茲軍需浩繁之際內外宜視爲一體諸凡公用留意節慎欽此仰見我

皇上睿慮周詳因時制宜超越臣愚識見萬萬也臣因思

國家經費應有緩急移緩就急實通融酌劑之道臣前就

天庾積貯計之則見漕務關係重大不敢遽議停運而

於軍需浩繁之際漕糧於三年之內勻折一年是亦通融酌劑之議今督臣高其倬亦議將安徽司道折徵一半之議改照江蘇三年勻折一年之議咨覆漕臣性桂并移咨到臣漕臣亦催臣議覆臣思十月收漕之期轉瞬卽屆不敢遲誤隨亦議三年勻折一年咨覆漕臣俟漕臣彙齊奏請

聖裁伏念天下大計移緩就急運籌酌劑惟我

皇上聖謨宏深籌畫盡善非臣愚所能見及萬一臣才庸識淺不敢膠執管見亦非敢奏議互異懇乞

皇上訓誨開導俾臣得以祇奉辦理爲此謹

奏

汝錯會朕意矣前摺所批軍需浩繁之諭蓋指地方不急之浮費可以節省者而言非令汝等設法協濟國用也何庸愚不達一至於此

安徽巡撫臣程元章謹

奏為密查事竊臣准湖南撫臣趙弘恩札開照得會靜所報姦人王澍一案本都院遵

旨查詢今將節次詢過會盛任鍾湘羅一奎等各供情繕摺奏

聞外查各供王澍係江南人為此照鈔全供照繪圖像

密札前詣貴都院請煩查照在於貴屬密訪王澍根底或另有的名的姓併查拏家屬財產其原任未陽縣知縣張應星親屬已回原籍徽州亦再煩為摘喚確詢密為見覆以便擬

奏等因到臣隨經密差把總前赴徽州府屬查出原任未陽縣知縣張應星之子張秀公密報到臣一面密飭休寧縣嚴拏看守隨將拏獲張秀公緣由繕摺具

奏續又於本年四月二十六日接到大學士公馬爾賽等寄來原原

奏摺內開據湖南巡撫趙弘恩查審姦人王澍一案
訊據曾盛任等各供王澍到曾靜處及停宿祝融
庵鍾湘等家與鄧子參羅一奎等供詞相同且據
僧彌增鍾湘鍾清霞羅一奎俱稱形狀與畫圖無
異是大領地已死之姦人爲王澍無疑應如趙弘
恩所議將已死王澍銼屍揚灰其供明鍾湘一千
人等俱行釋放但羅一奎旣供王澍係江南人應
密行文江南督撫令其留心查訪倘得蹤跡卽查
拏家屬密行訊究以窮姦黨而快人心其曾靜稟
呈王澍原帖臣等密封收貯爲此謹奏請

旨雍正九年四月初九日奉

旨依議欽此等因并鈔趙弘恩奏摺及曾盛任等供詞
封寄到臣隨密飭按察司提犯查訊續據該司稟
據休寧縣訊據張秀公供出同在未陽縣任所之
孫儀周張振蕃二犯隨密飭一併提訊於五月二
十日恭接

硃批諭旨覽奏知道了毋得少有疎縱以及枉濫株連
欽此欽遵密催按察司迅提張秀公等去後隨據
徽州府委員押解張秀公等到皖臣隨提犯親訊
據張秀公孫儀周張振蕃各供均不認識王澍竝

非張應星同學亦無僧人彌增持書借銀之事。臣恐其畏累狡飾，又設爲唐思在湖南已供認僧人彌增到縣取銀，并張應星與王澍同學之語，以窮其詞。伊等堅供，竝無影響。願求提到唐思對質，據此查各犯供詞，不無狡辯，難以遽信。但查湖南審供王澍與張應星同學，係彌增轉述王澍之言，而彌增原供，又稱銀帖是王澍叫曾盛任代寫，給與僧人的僧人，因不信他，所以不敢赴縣領取銀子等語，是取銀之事原屬烏有。且果係同學彼此筆跡自相熟識，託人代取財物，尤以親筆爲憑。王澍

令彌增向應星取銀，何不自寫字帖，乃假手於曾盛任代寫，致令筆跡無憑。此等供情，尚未確鑿。至唐思卽唐詩，久在應星署內供役，王澍於雍正元年盤桓耒陽等縣地方，果與應星交好，必曾到署探望。唐思依附應星，非親非友，又非參養家僕。張秀公等卽畏罪狡辯，唐思必不能代爲支飾。縱令唐思曲徇張秀公等，而應星在任日，王澍往來衙署，斷難掩書役人等之耳目。似應一併移查確供，再行質審，方可定案。再湖南審供曾盛任代王澍筆墨，彌增領王澍銀帖，鍾清霞與王澍談文，鍾湘

延王澍處館羅一奎爲王澍僕從日親日近當無不細問王澍籍貫之理今湖南各犯但稱王澍係江南人其實係江南何州縣地方俱未供明況會靜與王澍密邇知交定知籍貫根底今會靜及會盛任等現在湖南仍應查訊確供指出王澍實在籍貫立究黨羽盡拔根株庶可鋤姦黨而快人心除現在遍行密查王澍家屬下落將張秀公等嚴禁看守并密咨湖南撫臣查覆外所有臣密訊張秀公等供詞另繕一摺恭呈御覽理合將訊供咨查情由繕摺陳

奏伏乞

皇上睿鑒施行謹

奏

仍遵前諭行其中人犯如審明實係無干者卽予釋放或尚有候質處暫令保出在外毋致無辜久繫囹圄須知冤抑平人與疎縱匪類其過相等秉公爲之
安徽巡撫臣程元章謹

奏爲密查事竊臣前具摺陳奏據湖南撫臣趙弘恩密咨原任耒陽縣知縣張應星與姦人王澍同窻借銀情事提訊其子張秀公等一案奉有

硃批訓旨臣跪讀之下仰見我公等一案奉旨
皇上訓示平允之至意朕親親皇與姦人王樹同憲
硃批到臣之時督臣高其倬已將張秀公提審解赴江
寧臣即敬錄呈元章
諭旨密齎督臣衙門一體欽遵辦理俟關取湖南各犯
確供到日再行提訊定案其王澍家屬下落現在
遍行密查務究根株不敢疎縱所有遵奉
諭旨辦理之處理合繕摺奏

聞謹

奏

此等些小事何必頻頻瑣瀆

安徽巡撫臣程元章謹

奏為恭報秋禾收成分數事竊照今歲安徽等屬地
大方雨水霑足秋成豐稔臣通行飭查據各府州將
收成分數呈報前來查安徽寧池太廬鳳七府竝
滁和廣六泗潁亳七州及所屬收成俱有七八九
十分不等此皆我

皇上敬

天勤民時以稼穡為念所以秋穀豐登咸慶大有除將各
屬收成細數另摺分晰恭呈

硃批諭旨

聖

程元章

御覽外爲此繕摺奏

聞謹

皇奏

覽秋成分數朕懷曷勝欣慰

安徽巡撫臣程元章謹

奏爲陳奏事竊臣查安省雍正八年正當舉行

大計因署督臣史貽直與臣均係履任未久屬員賢

奏否未能周知俱經

題請展限於雍正九年補行今督臣高其倬調署雲

貴廣西總督印務署督臣尹繼善甫經署事復又

題請展限緣

計典例應督撫會核舉行臣亦循例具

題請俟雍正壬子年補行尚未准有部覆伏思察吏

安民封疆首務臣不敢因

大計暫停稍爲寬假因循於屬員中貪婪不法昏庸

溺職者俱經特疏糾參其才力不及者并請改補

教職外臣查安屬尚有才非肆應而身任繁劇者

有辦事勤敏而職任簡僻者均應酌量調補庶於

地方有益但目下正當收漕之候一時更換恐致

推卸貽誤統俟漕務事竣臣與督臣酌量繁簡會

硃批諭旨

呈

程元章

疏

題請調補再安徽現在試用及清查事竣人員內有
經委署辦事勤慎者亦酌量相宜之缺

題委署理一年如能稱職另行

題請實授如此則才具中平之員不致貽誤要地而
才猷敏練之員亦得各展所長矣臣謹繕摺陳

奏伏乞

皇上睿鑒謹

奏

既係照例會疏題請之事何必多此一番瀆奏朕萬幾

繁勞奚暇批覽汝之間談泛論也

安徽巡撫臣程元章謹

奏為陳奏事竊臣前奏酌調繁簡一摺奉有

硃批臣跪讀之下愧悚交集汗下通身如夢方醒因思

酌調繁簡原有成例可遵臣當與督臣商酌會疏

題請不當瀆奏以煩

聖聽實臣愚昧無知非敢有心塞責乃蒙

皇上指示寬容不加嚴斥臣五夜惶悚儆惕不安惟有

感激

聖恩勉竭駑駘心力以仰報

硃批諭旨

四

程元章

高厚於萬一謹

奏

汝爲封疆大吏於朕一人尚不能仰體而致忠愛況各牧司百姓何能體察顧惜之也動稱愚昧無知惶悚不安以自解縱使斯語果實亦何益之有併此悚惶猶涉虛文殊無足取今後當知愧奮加勉莫負朕之委任

安徽巡撫臣程元章謹

奏爲奏

聞事竊查安徽所屬地方上年麥秋收成豐稔物阜民安秋收之後種麥最爲急務臣於冬月卽飭各屬

查明一二麥會否種齊雨澤有無霑足據實申報去後今據安徽寧池太廬鳳七府滁和廣六泗潁亳七州各申報所屬地方一二麥俱已種齊雨澤霑足又據各屬報到雍正九年十二月初九十五等日得雪一二三寸至五六寸不等雍正十年正月初三日得雪一二寸至一尺二寸不等現在正二兩月又得透雨麥苗長茂臣查瑞雪普被雨水調勻米價不昂人民樂業皆由我

皇上至誠感格之所致將來一二麥可望豐收所有一二麥長茂雨雪霑足情形臣謹繕摺恭

奏伏乞

皇上睿鑒謹

奏賈不昂入只樂業皆由非

據奏安屬雨雪霑足米價平減以手加額覽焉

安徽巡撫臣程元章謹

奏為恭報二麥收成分數事竊照今歲安屬地方雨

水調勻二麥成熟臣通行飭查據各府州將收成

分數呈報前來查上江十四府州屬二麥業已登

場俱屬豐稔羣黎樂業至四五兩月正值插秧之

時有需雨澤隨據各屬陸續報稱甘霖豐沛四野

霑足高下田畝禾苗插種齊全現在長茂可望有
秋所有上江二麥收成分數臣謹另繕清摺分晰

開明恭呈

御覽伏乞

睿鑒謹

奏

覽二麥收成分數及雨水情形朕懷曷勝欣慰

安徽巡撫臣程元章謹

奏為奏覆事竊查廬州府城內向有金斗河一道壅

塞年久一遇水漲無從宣洩素為民患經臣具摺

硃批諭旨

吳

程元章

奏明設法開濬以衛民生隨檄飭廬州府知府徐大
枚合肥縣知縣趙良墅會同委員逐段估勘督率
勸諭而闔郡紳士里民皆仰體

皇上宏開水利之深仁靡不踴躍捐輸爭先恐後自上
年十一月十八日興工至本年六月初二日閱數
月而十里長河挑挖已竣適值大雨時行水自西
關湧入而河身深廣容納暢洩民居安堵水不爲
害據該府縣詳報實用過工價銀共四千八百餘
兩悉出土民急公樂輸至新築堤岸土尚鬆浮一
經大雨不無衝潰之虞臣復檄行該府縣出示勸

恩旨諭居民各量力隨時釘樁不但防衛河堤兼可保
固臣護屋基從此永慶安瀾常資利賴矣所有開濬金
皇上斗河竣工緣由理合恭摺

奏覆伏乞

皇上睿鑒謹

奏

興修水利固係美舉但當順民情不可稍涉勉強如
果事在應行於民有益何妨動用公項如法開濬以資
利賴耶本等小民二十五日詳

奏安徽巡撫臣程元章謹

硃批諭旨

程元章

程元章

奏爲恭謝

天恩事本年七月二十五日准吏部咨奉

上諭浙江總督印務著安徽巡撫程元章署理欽此欽

遵移咨到臣隨恭設香案望

闕叩頭謝

恩并循例具疏

奏謝外竊臣一介菲才荷蒙

皇上隆恩不次擢用

簡任安慶巡撫兩載以來涓埃未效時切冰兢茲復蒙
恩旨著臣署理浙江總督印務聞

命之下感激惶悚益深警惕伏念浙省幅員遼濶統轄
文武兼理鹺政海關事事均關緊要在在皆須整
理臣受此委任覆餗滋懼惟有念念

君恩念念地方務期整飭營伍澄肅官方釐剔姦宄又
安黎庶嚴緝私販以疏官引稽查權稅以慎錢糧
不敢存一毫私意執一己臆見因循瞻顧貽誤封
疆第臣知識短淺誠恐措施未當仰懇

聖慈時加訓誨指示俾臣敬謹遵循勉竭駑駘心力以
圖仰報

聖主洪恩於萬一臣已將徵收關稅錢糧料理起解於

聖主八月二十五日起程赴浙所有臣感激愚悃理合
恭摺

奏謝
天恩叩請
聖訓伏乞
皇上睿鑒謹

覽奏知道了已有旨實授卿總督矣嚴緝私販一如李
衛爲之不可絲毫存姑息之念再者浙省向稱僧海爲
釋教焚修勝地務令俱各得所若以蔑僧闢釋爲理學

標準則誤矣除此二者之外朕俱信得及卿無可訓諭
者竭力勉爲之
皇上浙江總督程元章謹
奏爲陳奏事竊臣奉

命署理浙江總督印務於九月十五日由秀水縣平望
地方入境一路察看田疇晚禾俱已成熟現在收
穫居民樂業惟嘉興府屬之石門桐鄉五縣湖州
恩賞府屬之歸安烏程二縣於九月初九日夜雷雨交
作帶有冰雹在田禾稻間有被雹打傷長二三十
里及若里里寬四五里及三里不等臣卽諭

令各該府縣確勘并加意撫恤去後履任之日隨酌動帑水運谷山不計開官好運林計畝二三十恩賞備公銀兩分別賑恤毋致失所查此雹係自東至西所傷地方原不寬廣通縣計之例不成災惟是就各村各戶而論現已無收目前十月初一日卽命蠲漕米開徵之期今被雹田稻旣無收成難於完奏漕賑伏觀我

皇上宵衣旰食勤恤民隱凡所以愛養黎元者無微不至今石桐等四縣內被雹田畝約計應納漕米不過一二三萬石并漕項等銀仰懇

聖恩概准緩至癸丑年秋成帶徵或分作兩年帶徵民力更覺寬紓其南米一項係給本省兵糧并請借支倉穀碾放統俟帶徵還補如此則被災貧民目前得免追呼而惟正之供將來仍不虧缺閭閻小民實沐聖澤於無疆矣臣因事關民瘼不揣冒昧恭摺帶呈伏乞奏請伏乞皇上訓示遵行謹

奏為剿奏再

該部議奏

五十

程元章

浙江總督臣程元章謹

奏爲陳奏事竊查浙省海塘爲第一要務今秋沿海各地方風潮甚大塘工尤當加意保護臣於履任之初卽面詢杭嘉湖道王斂福據稱今歲入夏以來潮勢更大晝夜衝刷海寧接連仁和一帶地方俱屬險要業經署撫臣王國棟等將一切石草各塘應修應築之處分晰具疏

題報在案後於七月十六十七等日颶風陡作潮勢雖極洶湧仰賴

皇上至誠感格

海神默祐當夜風轉潮退卽獲安瀾現今已屆冬令潮水漸平可保無虞等語臣因履任伊始政務殷繁現在竭力辦理稍有就緒卽當親往海塘逐一細加確勘相度形勢飭令各委員上緊趕築防護務期完固以資捍禦容俟勘明之日將應否添改修築之處詳細另行奏

聞所有據稟海塘平穩情形合先恭摺陳奏伏乞

皇上睿鑒謹

奏

硃批諭旨

五

程元章

覽奏已悉海塘一事應飭在工人員各具忠誠之心以對越

神明再加以勤慎從事盡力保護以期安瀾奏績浙省雖云政務殷繁而海塘工程最爲緊要時刻不可釋懷萬勿因惜小費致誤大事極宜留心查勘多方防護工料等項更須預爲區畫庶免臨期失措敬慎爲之母忽

浙江總督臣程元章謹

奏爲遵

旨督辦賑恤江省竈丁事本年九月二十五日接准部咨欽奉

諭旨以南滙縣下沙頭二三場等處竈戶鹽丁被水署督臣李燦鹽道江承玠彼此遲延觀望不速行賑濟以致窮丁嗷嗷待哺流離失業著督率江承玠盡心辦理仰見我

皇上軫恤窮丁無微不至臣先於赴浙舟抵江寧時卽聞沿海竈戶鹽丁被水甚衆亟須賑恤抵任之後隨面詢鹽驛道江承玠各該場被水竈戶作何撫恤據稱從前止動支存公銀四百兩委員往賑八月底復動銀四千八百兩倉米一千七百石借給各竈戶爲修葺竈舍置備柴滷之需又兩次共撥

鹽義倉米五千五百石并存公銀一千兩委員運往賑恤俱經詳明有案等語當查各卷與該道所稟相符第後發銀米爲時已覺遲緩且曾否俱已運到各委員辦理有無未協之處諭令該道飛檄飭查去後今欽奉
恩旨除一面轉行該道欽遵一面委令原任金華府知府吳炯星往下沙頭二三場等處將

上諭遍示宣布

皇恩督同各委員逐一確查加意賑恤咸令得所毋任胥役從中侵冒倘前發銀米尚有不敷立即詳報

酌量再撥務期妥協辦理俾被水竈丁均沾實惠以仰體我

皇上格外加恩之至意所有遵旨督率辦理緣由理合恭摺奏

聞伏乞 聖鑒

睿鑒謹 奏

奏

好盡力爲之務令窮丁均沾實惠目前所降諭旨非欲徒博優恤虛譽也不可錯會朕意稍涉疎慢致成有名無實之舉

殊批諭旨

聖

程元章

浙江總督臣程元章謹

奏爲欽奉

訓諭據實覆奏事本年十月內臣齎摺家人到浙隨恭

設香案望

闕叩頭敬謹開讀內恭謝

天恩一摺奉有

硃批臣跪讀之下仰見恭謹表

聖訓周詳無微不至伏思浙省鹽政自前督臣李衛兼辦以來固已漸次清釐其辦理妥協者臣皆照依而行不敢故爲矯異其鹽務項下有可節省之處

奏臣斷不敢濫用糜費至於私梟私販礙課病商臣

素所深惡前任安徽巡撫時凡私鹽案件俱由臣

衙門理結臣必按律究擬從不稍爲寬貸今臣兼

辦鹽政則緝私究販乃係專責更何敢少存姑息

枉法縱姦以負

皇上委任之至意所有私煎偷售等弊臣俱嚴加飭禁

并咨會江南督撫臣一體禁緝以杜販私之漸又

浙江古剎叢林最多而杭郡尤甚誠如

聖諭可稱僧海臣本庸愚屢蒙

皇上訓誨心體力行時時奮勉政事之外不敢標立理

硃批諭旨

臣

程元章

皇上學之虛名前蒙

天恩委用閩省學政浙江藩司安徽巡撫各任內從未

朕因未悉汝之居心聊為訓示耳每見迂闊儒生往往

蹈此褊淺之見今覽所奏深為嘉是但近來釋教之人

庸愚者居多可使由之不可使知之設使若輩得知出

於朕意稍涉恣肆非所以愛之乃所以害之矣况朕意

原不過踐踏臣思儒釋雖分兩途而指歸各有至理斷不

火也誌之也所有奉到

聖訓敬謹遵行今先據實覆

奏伏乞

皇上睿鑒謹

奏

覽

浙江總督臣程元章謹

奏為奏

聞事竊查浙省從前有截留漕米四十萬石以備賑糶

支銷之後開捐買補除派發各縣分貯外其餘二

十萬石陸續易穀積貯省城永濟倉向交寧紹嘉

松兩分司經營後因米穀在厥年久不無折耗於

雍正五年間經前督臣李衛議令收米之時每石

殊批諭旨 程元章

加收四升五合以備折耗在案詎寧紹分司徐有
緯於上年推陞離任查明伊經管項下缺少米七
千四百餘石又穀六千五百餘石除將預收備耗
米穀抵補外實少米五千八百九十餘石穀三千
閩連三百四十餘石又雍正九年撥運江南淮北米石
奏內搨出氣花厥底等項米五千四百餘石除鹽商
捐銀二千五百兩抵補外尚少米三千石此項已
經署督臣李燦准於鹽道庫內動支鹽務餘銀三
千兩現交署分司汪德馨買補其餘所少米穀徐
皇上有緯指稱年例應銷名色希冀將別項公銀代伊

補墊又因前督臣李衛摺幾力不肯之員既蘇
奏節省鹽商公費銀兩動用款項內附有撥補永濟
倉折耗及氣花蓋頭等項米穀一語遂欲於此項
節省商費內代為彌補臣到任後據司道議詳請
以鹽務餘銀撥抵臣查李衛送到摺稿現稱永濟
倉折耗數項於節省十三萬兩內撥補臣以倉糧
關係重大不便虛懸是以照虧空倉穀一面糾叅
一面買補之例批令乘此秋收速行買補仍米面
具摺奏請昔用如尚入亦商未盡開辦未肯糾陳

聖裁定奪其如細查鹽道庫貯李衛所欠與亦工跡

聖奏節省銀十三萬餘兩或先已撥用或現在工程待支或別項借用或尚欠在商未經捐繳未有餘剩在庫是銀米兩懸徒爲紙上空談臣思倉儲米穀倘有缺少霉爛俱應著落經管之員賠補定例昭然各省遵奉今徐有緯缺少米穀已將在倉備耗及商捐并鹽務餘銀共撥抵過米穀一萬餘石合之所稱應耗之數已屬浮多此外復有缺少明係虧空豈容又以年例應銷爲詞重開折耗況鹽務奏盈餘雖非正項但業已節省歸公止可於公務支用豈可以盈千累萬之公銀代不肖之員彌補虧

空耶臣荷蒙

高厚殊恩惟知謹守繩墨不敢掩飾扶同除將徐有緯

天恩照例

題叅請

旨究追外合將從前已經准銷撥補折耗緣由具摺陳

奏伏乞

皇上睿鑒謹

奏

叅劾徐有緯甚是至於鹽道庫貯節省之項曾經李衛摺請動用辦理數處工程朕記憶未清汝其一面確查

殊批諭旨

聖

程元章

一面咨詢李衛可也內如彌補徐有緯虧空不應之濫用難言其無若云李衛於中染指料係必無之事總之查詢後自然水落石出此奏朕嘉是覽之

皇 浙江總督臣程元章謹

奏爲奏

聞事竊照浙省烏程歸安桐鄉石門四縣於九月間偶被冰雹其受災田畝艱於辦漕臣先經具摺奏懇天恩准予緩徵在案又查今歲夏秋之交各府田畝間生小蟲傷害田禾得雨之後漸次消弭但蟲少傷輕及早先得雨之處收成不過畧減惟嘉屬之平

湖海鹽湖屬之武康紹屬之諸暨等縣境內有一

二處被蟲較重又湖屬之安吉州蟲患雖輕因天

目山發水灌注低窪田畝間有淹浸以上除諸暨

一縣不徵漕糧外其餘四州縣被傷之田闔縣通

計原不成災而被蟲之戶催令完漕未免難於辦

理統計四州縣被蟲田畝應納漕糧僅三四千石

爲數無多似不必與被雹之田槩請緩徵臣再四

思維酌令各州縣借動倉穀碾米應兌俟來歲早

穀登場時遵照上年蟲傷一案所奉

恩旨每漕米一石折徵銀一兩責令該州縣照數買穀

還倉如此則一轉移間被蟲貧民既免催呼漕糧
重大亦無遲誤而徵銀買補倉儲仍不致有虛懸
矣至於各府被蟲之田先經署撫臣王國棟等飭
將備公銀兩酌量賞給助其補種菜豆臣抵任後
復行令查明實在乏食貧民按戶酌恤是以小民
不致失所咸頌
皇恩歡聲遍野惟是通省各州縣有捐監補漕及本年
平糶各穀俱應買補今歲收成歉薄米價不能平
減若再責令購買足數誠恐市價昂貴小民艱於
謀食今近水各縣皆赴外省糶運其距水遙遠之

地暫緩至來歲早收買補價銀俱令解貯府庫以
杜虧空之弊臣謹將見在辦理緣由據實

奏明伏乞

皇上睿鑒謹

奏

辦理甚屬妥協

備旨浙江總督臣程元章謹

奏爲欽奉

上諭事本年八月三十日大學士奉

上諭因黃巖鎮臣吳進義陳奏練習兵丁頭頂夾銀一

硃批諭旨

堯

程元章

摺奉

旨吳進義識見庸愚有忝總戎之職傳
旨申飭并令將

諭旨與臣同提臣萬際瑞看欽此隨據鎮臣吳進義齎
捧到臣跪讀之下仰見我

皇上明竝日月無微不照伏思訓練三軍原有經常不
易之正道似此頭頂夾銀腹皮糖箭實係無賴之
人游戲欺人之舉豈可以此教演兵丁爲此無益
之事

聖明訓飭至周且悉其噴筒一項臣已察看以鉄爲之

此竹堅實但配船是否適用提臣萬際瑞明於水
師俟其驗明會商定奪至鎮臣吳進義前任杭協
李時臣爲浙江藩司同城一載見其應對奔走尚屬
伶俐而誠實不足且素好奢華恐其操守亦不可
信若嚴加鈐束猶可黽勉任事臣惟有時時勉勵
加意督率以觀後效所有臣欽奉

上諭緣由理合恭摺
奏覆伏乞

皇上睿鑒謹

奏

殊批諭旨

卒

程元章

覽奏知道了吳進義當加意策勵之

浙江總督臣程元章謹

奏爲欽奉

上諭事竊臣接准大學士鄂爾泰張廷玉字寄內開雍

正十年十一月十四日奉

上諭江浙地方地廣人稠其中秀頑不一難保無姦邪
匪類造作浮言煽惑人心冀生事端者從前尹繼善
李衛俱留心稽查以防其漸今魏廷珍程元章接辦
總督事務仍當留心稽察不可疎忽此事雖似在吏
治官方之外然較官方吏治更爲關係緊要該督撫

所當設法密察先事預防者倘目前疎縱將來發覺
時朕必於魏廷珍程元章是問再者江浙營伍海防
向來廢弛年來尹繼善李衛俱留心整頓著魏廷珍
程元章加意訓練毋令懈惰爾等可傳旨密諭之欽
此遵

旨寄信前來等因到臣伏查江浙地方爲四通八達之
地五方雜處之區人煙稠密秀頑不齊間有遊手
好閒之徒造作謠言互相傳述或圖哄騙財物或

冀煽惑人心誠如

聖諭所當設法密察先事預防者臣敬謹銘心時時體

殊批諭旨

空

程元章

乃係職分應行毋以為多事苛求也

訪不敢疎忽至於整頓營伍稽查海防尤關緊要

臣於抵任之初先經移行提鎮將弁勤加操練臣

不時調考以驗優劣遍加訪查以稽勤惰并通飭

文武嚴察口岸上緊巡防務使軍伍整齊山海寧

謐今蒙

聖恩訓諭臣惟有益加整飭時刻訓練盡職守以仰報
武備關係國家盛衰於斯勉之又勉方不負朕倚任之

殊恩斷不敢少有懈弛致塵
重宸衷也謹將恭接

聖諭緣由先行覆

奏伏乞

皇上睿鑒謹

奏

二事俱為至要之政當時刻留心毋忽

浙江總督臣程元章謹

奏為奏

聞事本年正月內據臣兩標中軍雷逢春呼麟稟送直

隸總督臣李衛發來諭帖內云近聞湖上旗民雜

果木令其派撥弁兵稽察查究旗人解送將軍民

棍交給兩縣并稱新督院公務忙甚不必請示而

硃批諭旨

空

程元章

後行等語伏查督臣李衛於雍正九年十一月離浙臣於十年九月抵任因叩謁

聖祖仁皇帝龍位及往天竺寺稽察工程不時由西湖來往見各處廟宇景亭俱極整肅潔淨竝無旗民踐踏田地勝景及塗抹神像攀折果木等事不知李衛從何有此風聞且竝未咨會到臣而關係拏究旗民之事直諭兩中軍不必向臣請示似以浙江中軍惟聽命於直隸總督而浙江總督竟不得過問與聞於

朝廷體統未免有悖臣細思李衛辦理地方事務可以效法之處亦多其性情高亢舉動任意則係習慣性成臣惟謹遵平日所奉和衷辦事不可尚氣之諭旨學其所長略其所短總以

國家公務爲重斷不敢因其越俎欺凌遂存芥蒂彼此牴牾以致上廛

聖懷但因李衛發來此諭已經通省共知臣何敢復爲隱匿謹具摺密

奏伏乞

皇上睿鑒謹

奏

硃批諭旨

奎

程元章

李衛之粗率狂縱人所共知者何必介意朕取其操守廉潔勇敢任事以挽回瞻顧因循視國政如膜外之頽風耳除此他無足稱朕歷來用人每多隨材器使不拘定格惟以有益於事及人地相宜爲準而已如果自信得及一切盡屬不妨但涉擬議迎合揣度預防則邈若河漢矣誌之勉之

浙江總督臣程元章謹具奏爲欽奉

上諭據實覆奏事竊臣接准大學士鄂爾泰張廷玉字寄內開雍正十一年二月初五日奉

上諭上年程元章赴浙時曾奏稱嘉湖所屬有一二縣遭被冰雹田穀歉收請將漕糧寬至癸丑年完納等語冬間奏摺來亦祇略言地方蟲傷薄收之情形竝未詳陳一切朕意以爲蟲災尚輕該督等自己料理妥帖矣今聞浙省上年被蟲之州縣甚多其中有收成大歉者今春米價甚昂乏食貧民嗷嗷待哺竟有公行搶奪之事此語似非虛傳不知程元章何以未曾詳奏爾等可卽寄信詢問令其留心訪察倘果閭閻窘乏餬口艱難卽當多發倉糧減價平糶貧苦之民設法賑濟一面辦理一面奏聞毋得回護前非負

朕倚任欽此遵

旨寄信前來等因到臣跪讀之下不勝悚惕伏查浙省上年夏秋之交各屬田禾間生小蟲雖多寡不
等處處皆有前署撫臣王國棟給油灑救又旋得
大雨隨即陸續消弭禾苗依然秀發是以委員會
同地方官查勘俱出有不致成災印結在案迨收
穫之時穀穗不綻米粒細小收成未免歉薄其中
惟嘉屬之平湖海鹽湖屬之武康安吉紹屬之諸
暨等州縣爲最甚又嘉屬之石門桐鄉湖屬之烏
程歸安於九月初九日被雹損傷禾稻臣於抵任

後卽具摺先後

奏明請將應徵漕糧分別帶徵及動倉穀碾米應兌
并酌動備公銀兩按戶賑給已蒙

聖恩俞允轉行欽遵惟是浙省米糧卽豐熟之年向藉
江楚等處客販接濟九十兩年連遇蟲傷業已民
鮮蓋藏附近之江南江西二省米價亦不甚平客
販無多市價漸昂貧民謀食維艱臣訪知情形卽
通行各屬將存倉穀石於上冬十二月及今年正
月卽行設廠減糶以濟民食至原奏傷重之海鹽
平湖諸暨及台屬之黃巖等縣則於備公銀兩賑

殊批諭旨

奎

程元章

恤之外臣復率同司道府各員捐發銀兩并撥運
省倉米穀動支鹽務滷耗或設廠煮粥或按口給
米并另委員前往監賑臣又慮應糶地方現存倉
穀或有不敷復經

題明借支鹽務公費銀五萬兩委員赴價平地方購
買米穀運回接濟此浙省上年歉收及臣辦理之
實在情形也細加查核原止歉收米貴並非旱潦
成災顆粒無收者比惟是浙省民貧性猾稍遇歉
薄卽冀蠲免錢糧通行賑濟不遂所欲卽造言生
事如台屬之黃巖與寧屬之鄞縣現今米價較平

奏於浙西而一二姦民竟敢藉米貴爲由向殷實之
家用強勒借米穀確查其人並非實在饑民已將
爲首者嚴拏重處其風始息臣在地方固不敢忽
奏視民瘼上負我

皇上保民如赤之盛心又何敢張大其詞以沽名釣譽
奏今蒙

諭旨諄切仰見實

皇恩浩蕩惠養黎元有加無已臣敢不悉心籌畫宣布
皇仁通飭各屬再行確查分別輕重緩急應糶者多設
廠所使遠近得沾應賑者卽發銀米如有不敷詳

据臣據報當卽檄行布政使王紘委員星往被雹各州縣會同該地方官逐一履畝查勘被災輕重分晰詳報一面酌動款項速行按戶給賑務使災黎不致失所容俟查明詳覆到日另行

題報外所有海寧等九州縣被雹情形合先繕摺奏

聞謹

奏

杭嘉湖等府所屬九州縣冰雹情形知道了加意撫恤毋忽

浙江總督臣程元章謹

奏爲恭報年歲豐稔情形仰慰

聖懷事竊查浙省上年偶被蟲祲兼有數州縣被雹被

聖恩水收成歉薄經臣節次

奏明荷蒙

聖恩軫念民依將應完漕米漕項及雍正九年以前舊

欠錢糧分別帶徵并動支備公銀兩按戶給賑閭

閭小民不至失所而尤望今歲春花成熟以資接

濟乃自三月來仰邀

聖主福庇雨暘時若菜豆二麥處處豐收而杭嘉湖

府屬所育蠶絲均有十分收成麥收之後卽得時

聖上 雨早禾俱已插種齊全五月初二等日又獲
甘霖大沛四野霑足晚禾現在遍插凡屬小民無
不餬口有資安居樂業交相慶幸感戴

皇仁除飭催布政司將各府實在收成分數查明彙報
另行具

聖奏外所有年歲豐稔雨水調勻情形合先繕摺奏
聞仰慰

聖懷謹

奏

覽麥熟蠶收雨水調勻情形朕不為浙省憂念矣

浙江總督臣程元章謹 奏為奏
聞事竊照浙屬台州一府地當濱海田少山多上年偶
被蟲傷收成歉薄米糧減少今春夏之交正直魚
汛魚船雲集皆就台買食本地倉穀減價發糶恐
有不敷而江楚採買之米又慮轉運維艱臣再四
思維查接壤之閩省地方上年收成豐稔米價尚
平若委員并招商赴閩購買由海運回以資接濟
猶易為力隨咨商閩省去後旋准福建督撫臣咨
稱閩省所產之米只敷本地民食且商人販運未

硃批諭旨

究

程元章

免稽遲酌議於廈門存貯臺穀內動撥二萬石就
閩委員運台交明地方官發糶如有不敷再委員
赴閩撥運等因臣卽一面移覆閩省撥運一面飛
檄台州府遵照俟閩穀運到速卽盤收酌派各縣
領回糶賣今前項穀石現在陸續運至但計到台
之日各屬二麥已經收穫十分豐稔民食有資倘
不須平糶臣卽飭令分撥各縣存貯以實儲備將
各縣上年及今春平糶未曾買補穀價解閩還項
倘或價脚稍有不敷臣當酌量於公項內撥給以
符閩省原價所有動撥鄰省倉穀酌款歸補緣由

理合繕摺

奏明伏乞

皇上睿鑒謹

因時制宜如此料理是

浙江總督程元章謹

奏爲恭報雨水情形事竊查浙省各屬今歲春花俱
十分收成四五兩月雨水亦甚調勻早晚二禾皆
獲及時插種惟自六月以後雨澤愆期高田未免
乾燥臣先於省城寺觀及續往嘉興掣鹽隨處俱

建壇祈禱併飭凡缺雨地方一體舉行務求甘霖
大沛以保有秋茲於六月二十日以後陸續據各
屬申報先後得雨日期及已未霑足各等由前來
奏臣查杭州嘉興湖州三府屬據報屢次得雨分寸
約略相同雖未十分霑足禾苗尚皆暢茂寧波府
屬據報鄞縣奉化象山等縣得雨霑足其餘早稻
漸次收割晚禾亦甚秀發紹興府屬山陰會稽蕭
山餘姚諸暨上虞等縣相繼俱報得雨雖未十分
霑足要皆可望有秋早稻俱已成熟晚禾亦皆青
茂台州金華二府屬報雨水霑足者多早稻皆已

收成惟蘭谿縣據報缺雨禾苗尚無妨礙衢州府
屬西安龍游常山開化等縣俱報得雨霑足早稻
成熟者多惟江山縣有無得雨尚未報到嚴州府
屬遂安縣得雨霑足餘縣尚在缺雨惟壽昌縣現
在蟲孽萌動已飭作速設法撲除不致為患溫州
處州二府屬俱報得雨早稻收割將完晚禾亦甚
暢茂至通省尚在雨水未足之處臣飭令虔誠祈
禱務求甘霖普遍俟續報得雨齊全另同早稻收
成分數恭摺

聞奏明外所有現在雨水情形謹繕摺奏

聞謹即伏祈
奏為代嫂恭附

覽雨水不足情形朕深為慮念汝自督浙以來屢著種
種災異莅政臨民必有不合

天心處亟當返躬內省勉圖遷改

上蒼斷無枉施之理若仍執迷不悟自以為是馴致大不
是矣

浙江總督臣程元章謹

奏為據情代奏仰祈

睿鑒事竊照外任旗員子弟年十八歲以上者奉

旨悉令歸旗至伊等子弟中有可以助其父兄辦理事

務者准奏聞請旨而道府等官不能自達者督撫代

奏等因欽此臣接准部咨隨即通行各屬欽遵在案

茲據糧儲道朱倫瀚呈稱切倫瀚係正紅旗漢軍

天恩有親子候選州同朱孝先現年三十四歲例應歸

旗但倫瀚管理通省漕運事務繁多須得親子代

為照料庶免貽誤實有不能相離等情又據杭州

府知府秦炘呈稱切炘係鑲黃旗漢軍出守杭郡

緣省城地處繁劇兼查海塘工程必得親信子弟

相為照料所有親弟秦焯請留任所協助辦理以

免跋前疐後等情各循例呈請代
奏前來臣查糧道杭府均屬緊要事務殷繁助理需
人仰懇

聖慈俯准朱倫瀚之子朱孝先秦炆之弟秦焯各留伊
等父兄任所協助辦理俾收臂指之力則感戴升
天恩於靡涯矣理合恭摺代

奏伏乞

睿鑒批示遵行謹

奏

朱孝先秦焯准留伊等父兄之任咨明各該旗知之事

浙江總督臣程元章謹

奏為奏

聞事竊查溫州鎮標瑞安水師營派撥弁兵駕船出洋
奏巡哨至六月二十八日早潮忽遇颶風浪湧一時

聞驚躲避不及候至晚潮仍不能進港只得在洋拋泊

不期本夜風勢更猛千總楊元坐駕五號戰船旋

縵俱斷衝礁擊碎淹斃兵丁三名功加林逢春坐

駕九號戰船旋斷漂流不知去處又玉環守備邱

宗義坐駕八號戰船會哨到洋遇風是夜一同拋

泊亦被風擊碎淹斃兵丁十餘名據署溫鎮黃有

才瑞安副將魏國泰玉環營叅將顧元亮各稟報
前來臣卽飛檄飭行查明被淹兵丁確數加意撫
恤及九號人船下落併沉失礮械槓槓等項仍飭
作速設法撈獲容俟查明另行
題報外所有戰船遭風兵丁被淹情由臣謹繕摺奏
聞謹
奏
此皆六七年來未聞之事朕實代汝畏之
奏浙江總督臣程元章謹
奏爲奏請折留漕米以裕民食事竊查杭嘉湖三府

屬地方地窄人稠民間多以育蠶爲業田地大半
植桑歲產米穀除辦漕外卽豐收之年尚不敷民
食向藉外江商販接濟上年偶被蟲水歉收民情
拮据荷蒙

聖恩將歉收田畝應完漕米分年帶徵發帑賑恤小民
賴以得所近今江廣等省米價亦昂商販稀少是
以杭嘉湖三府米價至今尚未平減且今歲夏秋
之交雨澤未勻杭屬之新城湖屬之歸安烏程等
縣高阜山田間有被旱之處續雖得雨但節序已
逾似難望其結實臣業將情形具疏

題報并飭委員確勘在案其是否成災尚須勘明方
定而收成終不免歉薄明春青黃不接之際誠恐
米價更昂現在安程二邑應完漕糧卽此細碎之
米亦難上納事關

天庾民食臣身任地方不敢不預爲籌畫伏查省城永
濟倉存貯米穀除從前運往江北山東散賑尚未
議補其餘又撥給乍浦滿營水師兵糧及湊放海
塘夫役工食所存無幾鹽義倉穀石除湊撥江北
山東協賑及上年賑濟松江各場被水竈戶併發
場員易買竈鹽已無存貯各屬存倉穀石上年平

糶未補以及本年平糶爲數旣多恐一時驟難補
足近准部咨御史翁藻條奏每年於秋成前視年
歲之豐歉酌動庫銀往江廣等省產米之地買米
運貯平糶誠爲先事綢繆之計臣已飭布政司酌
動銀兩委員採買但江廣各省現在米價亦昂加
之水脚等費成本旣貴將來平糶不能多減價值
恐屬無益臣再四思維細加體察杭嘉二府屬晚
稻尚獲豐收仰懇

聖恩俯准各截留本色漕米五萬石以備來春酌撥糶
濟民食湖屬之安程二縣旣屬歉收本年應完漕

米一十八萬餘石并應帶徵雍正十年漕米七千六百餘石應請一併改折徵收解部以紓民力則三府羣黎均沐

皇仁於無既矣如蒙

聖恩俞允其折收米價可否照雍正九年

恩旨嘉興所屬漕糧每石折徵銀一兩抑或照雍正五

年部定每石折徵一兩二錢之例出自

皇上天恩臣未敢擅便謹具摺陳

奏伏候

諭旨欽遵謹

奏

有旨諭部矣

浙江總督臣程元章謹

奏為奏

聞事竊照前任湖協副將范宗堯經直隸督臣李衛以

驕縱狂悖抗違怠玩叅

命奏奉

旨革職令往北路軍營效力欽此臣接准部咨隨照例

委員摘印著令來省將所叅各款一一示知給咨

令其作速赴京在案臣查范宗堯自恃清操貧而

硃批諭旨

庚

程元章

有傲骨凡

欽差往來從不出境遠迎謁見上司禮數間有不周臣前任藩司卽知其爲人上年臣奉

命總督浙江宗堯因調考來省臣以其平素性傲面加訓飭彼亦俯首愧服竝非不可教之人查湖協每年向有鹽商餽送規禮銀四百餘兩宗堯到任數年以來澹泊自甘卽將此項留存營中以爲周恤兵丁之用竝未絲毫入己其於營伍事務亦肯留心整頓卸事後止僕從三四人囊無長物同城之府縣共助銀一百兩甫得起身臨行時各兵情深

愛戴結綵相送臣面詢湖州府知府唐紹祖委丈湖所田畝之候補通判傅柟異口同聲言之確鑿

思命臣按督臣李衛所叅各款皆係從前舊事臣未能盡知但據其操守辦事愛恤兵丁非無一長可錄

其簡之處臣既有所知不敢不據實奏

聞伏乞

皇上睿鑒謹

主奏 奏 范宗堯係朕深知之人其操守更所稔悉原素有身家非貧宦也據奏行李蕭條之狀殊屬瞽論

浙江總督臣程元章謹

奏爲微臣戀

主情殷恭請

陛見以伸愚悃事竊臣謏陋凡材仰沐

皇上特達知遇之恩由翰林院編修

特簡福建學政數年之間不次超擢洵陞安慶巡撫受

恩深重方慚涓埃未報乃於上年七月復奉

恩命昇以浙江總督重寄伏念浙省幅員遼濶事務紛

繁以一人而兼督撫鹽三任詰戎講武簿書期會

緝私疏引黽勉莫逮兼之海塘關係甚鉅尤須加

意辦理臣雖殫竭心力不敢稍懈而才短識淺彌

深覆餗之懼臣到任後緣上年浙屬偶被蟲傷收

成歉薄亟須整理撫綏今春又蒙

皇上軫念海疆

特命內大臣海望等赴浙會同查勘海塘動帑興修是

以未敢冒昧陳

命奏今舊塘附土培築高濶催趨已竣而土備塘工程

望慈約在秋杪亦可報完且今歲春花蠶絲俱獲豐收

天貺六月以來正在望雨之候各屬又陸續報獲甘霖

者多地方頗覺寧謐一切政務亦稍就緒正臣子

瞻仰

天顏之日跪懇

聖慈俯准將浙江督撫鹽三任事務

命員暫署容臣保護海塘八月大汛後謹於九月中束

裝赴京恭請

聖安跪聆

睿謨指示訓誨俾臣得敬謹遵循矢竭駑駘力圖報效

庶緊要封疆不致辦理錯誤則頂戴

皇恩於生生世世矣謹

奏

陛見之請且可不必既云才識短淺幅員遼濶綜理紛繁又云一切政務已稍就緒何期年之間奏效如是之速耶果能殫竭心力整理地方俾有起色勝如僕僕往返多矣勉爲之

奏浙江總督臣程元章謹

賞奏爲奏

聞事竊查浙江海關自歸巡撫衙門帶管以來因距省

稍遠向委道府護理而沿海各口卽係管關之員

派撥書役家人巡查照則監收除正稅外各口所

得飯錢俱作三股均分在口書役及管關家人各

硃批諭旨

堯

程元章

得一股餘剩一股呈送臣衙門以爲家人衣服之費每年約計收銀二千五六百兩不等歷任相沿已非一日伏思臣荷聖恩畀以封疆重寄又蒙賞給養廉以資用度設有不敷自當據實

奏請斷不敢因循舊例輒於關稅之內絲毫有所染指惟查此項銀兩原係商人量給書役飯費出於情願若一旦革除則在口書役家人飯食無資勢必另立名色於中巧取不無病商如竟發還該關又徒爲胥役人等中飽於事無益所以臣到浙後

查有前署撫臣王國棟交存飯費銀八百兩當卽分發海鹽平湖諸暨三縣爲湊給賑濟之資臣任內又陸續解到二千三百兩俱飭發臣標中軍收貯以爲拯恤地方偏災及緊要事務差委員弁盤費賞給救火出力兵丁等項之用并飭造冊報臣衙門核查備案庶事不紛更而於公務有裨所有臣酌留海關飯費存充公用緣由理合繕摺內閣奏明伏乞

皇上睿鑒謹

奏

硃批諭旨

全

程元章

海關飯費固屬應留但類斯瑣屑之舉只可隨宜辦理不必諄諄留意蓋天下事未有務近小而不遺遠大之理

浙江總督臣程元章大理寺卿臣汪滌原任內閣學士兼禮部侍郎臣張坦麟謹

奏爲奏

聞事竊惟海塘關係重大荷蒙

皇上睿慮周詳

允內大臣海望等所奏鳩工興築臣等遵照原議先將一萬四千餘丈之舊塘背後附土加培高濶并興

築土備塘一道緣浙省五月內梅雨連旬六月以來又值厚水灌田兩工竝舉人夫無多加培舊塘附土催趲將竣其備塘工程現有四分約在秋杪可能報完茲六月二十日臣程元章在嘉所掣驗引鹽見東南風甚大晝夜不息惟恐塘工或有坍塌專差標員星往工所嚴督各員加意防護復於二十二日親往海寧會同臣汪滌臣張坦麟沿塘查視因二十日晚潮洶湧浪高丈餘風激未退二十一日早潮又至風勢更烈潮水撲上塘面以致

草石舊塘間段坍塌者約有一千餘丈仰賴

聖謨宏遠智燭機先舊塘附土加高培濶擁護於後潮水不能溢過塘身近塘居民廬舍田疇俱無傷損臣等督同文武員弁多方雇覓人夫協力搶修所幸二十二日以後潮汛漸小人力易施正在督率修築間據東塘兵丁報稱二十四日午後潮平風靜之時附近尖山地方係上年坍塌塊石塘現改築大條石塘忽然蟄陷三十六丈等情臣等隨卽星馳查勘見塘前漲沙連塘後民地坍塌成環月勢形幸民地尚高尺餘不致爲患當卽測量蟄陷之處水深二丈有餘勢難搶修遂飛調工員人夫連

夜於塘後身搶築灣月土塘以資捍禦所有坍塌各段詳細丈尺容臣程元章另行具

題外伏念塘工緊要時廑

聖懷謹先會同臣汪滌臣張坦麟恭摺奏

聞謹

奏

朕實代汝憂之朕之憂懷未知汝亦體諒否也

高州浙江總督臣程元章謹

奏爲陳奏事竊照兩浙商人行運引鹽每年夏冬兩掣向例定於六月十二月爲期凡各商收買鹽斤

務先報明捆運數目然後按所驗掣此兩浙歷來之槩規也臣蒙

高厚隆恩併令兼管鹽政惟有事仰遵

聖訓恪守成例不敢違越但偶值勢有阻礙又不得不隨時變通如本年夏掣臣於六月初先掣杭所即於六月中親掣嘉所至六月底商人引鹽已到所十之五六後因雨澤愆期附場鄉民將河道築壩蓄水灌田商運引鹽必須盤壩剝淺每鹽一引多用脚費銀一錢有餘統計各所幾及盈千累萬實困商力若欲恤商而毀拆民壩則又有妨農業欲

使商民兩全惟有寬期補掣之一法臣查夏掣之鹽早已報有成數稍緩時日顆粒難以混淆而各商省費實多民得蓄水灌田禾稼竝無傷損誠屬兩便之道隨即傳知各商將已經裝運之鹽按數悉掣其未曾捆運者暫貯在場另期補掣至紹所松所情形大槩相同併飭一體暫停俟得雨疏通之日一併補掣臣於七月初一日回署旋即連得雨澤於二十六七八等日甘霖大沛田禾無藉蓄水壩開而鹽船通行臣即飭行鹽驛道飛催各場將六月三十日以前商買之鹽照例悉歸夏掣七

月初一日以後商收鹽斤留爲冬掣是夏冬兩期
應運之引鹽各歸各掣仍劃然不紊今各所將次
掣竣統計本年夏掣引鹽現有五十六萬餘引較
上年所掣更有溢餘臣因時權宜雖與成例略有
變通而實爲恤商利民起見不敢拘守固執謹將
掣過引數併補掣緣由繕摺奏

聞伏乞

皇上睿鑒謹

奏

引鹽驗掣等務朕實未經留意不便批諭是與非也如

有變通成例之處仍應咨明該部

浙江總督臣程元章謹

奏爲奏

聞事竊照浙省風俗習尚浮華喜沽名譽其略知文藝
皇上者往往尋章摘句撫拾陳言刊刻成書以邀著述
望臣之虛名臣蒙

皇上高厚殊恩委任重寄蒞浙之日卽通行所屬嚴加
禁飭詎有淳安縣告假回籍宛平縣縣丞吳茂育
狂悖無知愍不畏法本年十一月初九日據嚴州
府稟稱有淳安縣生員吳秀係吳茂育之族兄赴

硃批諭旨

全

程元章

府首告茂育刊刻求志編二本語多狂悖等情并
繳原書到臣隨加翻閱其中講學各條類多拾人
唾餘毫無心得而評論古今則語言感慨詞氣不
皇上平肆口妄談毫無忌憚伏思
聖朝重熙累洽我

皇上德被萬方薄海內外靡不傾心向化茂育生逢
盛世身受臣皆風臣皆習臣皆華臣皆臣皆其臣皆收臣皆文藝
國恩不思感激報効乃敢以無知狂吠刊刻傳播已屬
喪心而書首李沛霖序文止書癸卯九月不書雍
正元年更干法紀臣披閱之下不勝髮指隨飭密

拏去後茲據該府將吳茂育拏解前來并於其家
起獲未釘求志編一部與吳霽呈繳之書磨對內
多自序五頁書有

國朝年號除行按察使劉章嚴審究擬并提吳霽質訊
因何兩書序文互異之處一面查明茂育職銜履
歷詳革外所有現在拏究緣由竝繳到原書二本
又未釘一部相應一併恭呈

御覽臣謹繕摺具

奏伏乞

睿鑒施行謹

硃批諭旨

此奏嘉是覽之宜嚴加審究毋涉疎縱大凡匪類之爲害世道生民甚於盜賊何也蓋盜賊確有形迹可憑兼爲成例所限該管有司雖欲怠忽而亦勢所不能至於姦匪之徒或托名斯文或藉口著述儘可置之弗問所以除賊猶易而除匪甚難地方大吏每膜外視之皆係不識輕重欲避勞怨而已豈純臣奉公之居心乎咸似此留心搜訪懲治則若輩自不敢復萌妄念更肆邪說裨益國家造福黔黎實非淺鮮浙省此風向時甚熾自李衛總督以來夫半斂跡矣卿當踵而行之以繼其後

毋使其故智復萌切不可因遠多事苛求四字之嫌而貽誤於世道生民也果能於斯一節汲汲剷除勝於治理刑名錢穀案件之功不啻什伯相倍卿其謹誌奉行勿替

浙江總督程元章謹

奏爲陳奏事竊照浙省海塘關係緊要仰蒙

聖恩特允內大臣海望等所奏添設海防兵備道一員總理塘工并舊有海防同知一員外復添設一員分管東西兩塘以專責成誠屬有裨查兵備道王斂福前在杭嘉湖道任內年給養廉銀一千六

百兩因兼辦海塘公務又增給銀一千兩俟工竣
停其添給今調補兵備道專理仁寧鹽平等縣塘
工往來稽察兼之管轄兵馬政務殷繁用度亦多
應請照依寧台溫處二道之例每年酌給養廉三
千兩外加給備公銀四百兩以資費用至杭嘉湖
道劉復不復兼理塘工似應將續增之一千兩停
其給發但乍浦新設滿漢船廠經臣

題明委令該道監督料理業經准有部覆則該道督
辦船工亦有往返奔馳差遣盤費等項若僅給銀
一千六百兩實有不敷應請仍照舊例年給養廉

銀二千六百兩以足用度再海防同知每年向給
養廉銀六百兩又留給鹽規銀二百四十兩今添
設一員自應一例支給養廉其鹽規銀兩不便額
外增添應令將舊有之數各半分用至該同知等
專辦塘工事務孔殷非閒曹可比應請每年各加
給備公銀二百兩庶辦理公事不致掣肘以上各
項銀兩均請於餘耗項下動支事關酌給官員養
廉備公臣未敢擅便理合恭摺

奏明伏乞

皇上睿鑒批示遵行謹

皇

覽

汝辦理海塘工務甚不副朕所望

浙江總督臣程元章謹

奏爲恭報晚禾收成分數事竊照浙省晚禾每年俱於九十月間始行登場今已收穫臣通行飭查據杭嘉湖寧紹台金衢嚴溫處等十一府各報所屬收成惟新城分水烏程歸安四縣夏秋之間雨澤愆期高阜田畝間有一二被旱之處收成不無稍歉其餘各州縣俱有十分九分八分七分不等間

閭小民靡不含哺鼓腹感戴

皇仁且當刈穫之時天氣晴和春花豆麥均已布種齊

全十一月初連得甘霖滋潤現在長發而十三十

四二十一等日又獲瑞雪八九寸及四五寸不等

春四野均霑來歲春熟豐稔更可預期至杭嘉湖三

府米價每石一兩二三錢及一兩五六錢不等上

游寧紹台金衢嚴溫處八府每石八九錢及一兩

一二錢不等除晚禾收成細數臣另摺分晰恭呈

御覽外所有浙省雨雪情形暨米糧價值理合一併奏

聞伏乞

殊批諭旨

六

程元章

睿鑒謹

浙省晚禾收成分數米糧價值并雨雪情形以手加額
覽焉

浙江總督臣程元章謹

奏爲奏

聞事竊查浙省地廣人稠秀頑不一其間游手好閒之
輩妄作非爲煽惑人心冀生事端不能保其必無
所以到任後隨通飭文武員弁留心稽察先事
預防毋許疎忽茲據衢州府知府楊景震稟稱率

同署江山縣知縣陳廷訓親往該縣青湖峽口仙

霞嶺念八都及閩省浦城交界一帶深邃處所查

勘情形訪得江邑念五都民人王益善蹤跡詭秘

交結匪類學習拳棒正在查拏間有該犯堂叔王

攀雲因見追拏嚴緊懼累呈首前來當即拏獲王

益善并起出偽劄一張訊據供係陳明章在詹人

文卽詹子彬家拏來又周廷鳳亦得偽劄一張等

語卽委員密拏詹人文陳明章周廷鳳三人到案

據詹人文供稱偽劄係江西玉山縣民吳士榮私

造給伊散賣又同視皆照式翻刻轉給陳明章周

廷鳳王益善王昌禹等所刊木板已經銷燬其磚刻印子尚在祝皆家內等情稟報到臣查詹人文等結納匪類謀爲不軌私造偽劄輾轉散布事關叛逆且偽劄上寫奉主字樣必有主謀爲首之人分給偽劄定不止此數張恐有私藏花名冊籍除一面飛差標員星往該地方并密飭衢州府楊景震衢協副將葉應龍各委員會同按址協拏吳士榮等追起偽劄刊板究出造意首犯并查餘黨及有無巢穴地方密拏全獲務盡根株嚴審明確律擬招解一面密咨兩江督臣江西撫臣飛飭所屬

查拏移解來浙收審竝移咨閩省督撫臣一體嚴查毋使潛匿鄰境外所有查拏匪類緣由相應繕

聖旨摺奏
聞并將王益善名下起出偽劄一張一并齎呈

御覽伏乞

皇上睿鑒施行謹

奏

覽訪獲匪類情由殊屬再嘉之至封疆大臣能如此留心地方朕復何慮嚴拏各犯徹底追究務盡根株毋存絲毫畏避煩瑣苟簡完結之心倘隣省奉行不力據實

殊批諭旨

六

程元章

摺奏以聞

浙江總督臣程元章謹

奏為陳奏事竊臣前奏淳安縣告假回籍宛平縣縣
丞吳茂育狂悖無知私刊求志編一摺奉有

硃批諭旨臣跪讀之下仰見我

皇上明竝日月洞徹姦宄情形實有關於致治之本源

臣荷

聖恩簡任封疆凡地方姦宄邪說無不留心體訪密行

查拏嚴加懲治務期姦匪邪說悉除根株俾風俗

淳良人心警惕以仰副

聖世一道同風之至治除吳茂育一案現在嚴審從重

究擬外今欽奉

硃諭理合繕摺

奏覆為此謹

奏

聞邪說以正風俗懲姦匪以警人心能見及此殊屬可

嘉

奏浙江總督臣程元章謹

奏為奏

聞事竊照查拏江山縣匪類王益善等交結散劄謀為

硃批諭旨

左

程元章

聞事不軌一案經臣將拏獲各犯并追起偽劄緣由兩
奏次具摺

奏明茲正月二十二日又據衢州府稟稱訊據吳士
榮之父吳汝昆供稱伊子十來年前有箇江西省
城齋堂裏姓傅的叫傅廷兆一箇李子蘭一箇姓
王不記得名字當年都到玉山地方來算卦兒子
因與他熟識引誘起的或一年去一回或二年去
一回那齋堂在撫院衙門近邊前年兒子在齋堂
裏拏了兩張劄付回來小的親眼見過給了詹子
彬一張祝龍卽祝皆一張小的兒子又說封他文

陽王是正的那劄付上的主字就是王師父的兒
子也在齋堂內不曉得他名字目今小的兒子或
逃在那裏去亦未可定等因稟報前來臣細查吳
汝昆供情則此案首惡自屬江西之人除又差
臣標守備龔炳帶同弁兵星飛前往一面密咨江
西撫臣添差弁員協同密拏有名各犯務獲撥兵
護解來浙究審外相應繕摺奏

聞伏乞

皇上敕下江西撫臣速行一體查拏務盡根株嚴押解
浙歸案究擬庶姦匪不致漏網而重案得以速結

矣爲此謹
奏

已降有嚴旨申飭謝旻矣前諭甚悉竭力遵奉而行

浙江總督臣程元章謹

奏爲奏

聞事竊照匪類王益善等交結散割謀爲不軌一案屢據衢州府稟報陸續拏獲各犯追起僞割并供出爲首及夥黨住址多係江西之人經臣節次差標員密咨江西撫臣添差弁員協拏解浙竝三次繕摺

奏明茲正月二十七日又據衢州府稟報續獲夥犯

鄒英士訊據供係江西撫州府宜黃縣人原同傅

秀山吳士榮李繼清商謀做的傅秀山卽傅廷兆

是軍師住在江西省城總城隍廟間壁楊家廠地

方會對小的說奉的主叫黃森官今年二十來歲

了就是江西省城齋堂內黃師父的兒子黃師父

是豐城縣人如今現住在省城那傅秀山還對小

的說封禁山有好多人在那裏也是扶助這黃森

官的因李子蘭同一箇不知姓名的老生他們曉

得黃森官是主情願扶助他的那黃森官實是草

頭黃姓不是三畫王姓前說王姓是吳汝昆錯供
的紫薇星彌勒佛就是黃森官一人前吳士榮於
正月十三日半夜到小的家說這事破了拏了一
把傘逃往江西省城齋堂同傅秀山商謀去了他
們若到省躲不得必往豐城縣黃森官家裏去了
黃森官住在豐城縣鄉裏蓮塘地方離縣有三十
里地名叫小崗口傅秀山甥女就是黃森官之妻
有箇舅子叫胡元龍那齋堂內還有李子蘭父親
李孔瑞又有貴溪縣人胡海濱都是同夥俱在省
城等情錄供具稟到臣除臣又差標員星飛前

往并密咨江西撫臣添差按址協拏有名各犯務
獲撥兵護解來浙究審并查明封禁山係何縣所
屬夥黨聚集若干立即設法密拏全獲務盡根株
外所有續獲匪犯訊供緣由合再繕摺奏

聞伏乞 聖鑒 奏
皇上敕下兩江督臣江西撫臣一并嚴拏解浙歸案究
旨王審按律定擬庶匪犯不致漏網而地方得以寧謐
聞事矣爲此謹 奏

奏

覽奏知道了已經密諭該督撫遵照矣

硃批諭旨

六

程元章

浙江總督臣程元章謹
奏爲奏

聞事本年正月初四日准吏部咨奉

旨王紘補授安徽巡撫刁承祖調補浙江布政使欽此
移咨到臣隨卽轉行欽遵去後伏思藩司爲通省
錢糧總匯度支出納關係甚重未便一日乏員辦
理刁承祖遠在河南且有經手錢糧交代之事一
時未能卽至而王紘係特奉

恩命簡任封疆又難久待臣再四酌量查同城之按察
使劉章刑名事務繁多勢難兼顧糧儲道朱倫瀚

又值辦漕押運赴淮亦不便委署惟鹽驛道張若
震年力富強辦事勤慎堪以就近暫委署理已於
本年正月二十日接印任事王紘隨將庫貯錢糧
交明於二十九日起身赴皖所有暫委署理藩司
印務緣由理合繕摺

奏明伏乞

皇上睿鑒謹

奏

所委甚屬允當

浙江總督臣程元章謹

奏爲奏明首犯就獲事竊照江山縣匪類王益善等交結散割謀爲不軌一案據各犯供稱爲首係江西省城齋堂內黃師父卽黃廷臣之子黃森官經臣節次揣差標員密咨江西撫臣添差協拏解浙去後茲二月十七日據守備龔炳稟稱於二月初五日已在江西齋堂內拏獲李子蘭李孔瑞并首犯黃森官之弟黃林官三犯其黃森官父子逃往豐城縣現在飛拏等語又於十八日據南昌府知府楊毓健稟稱飭委署經歷司郭克恭協同臣標差員星夜密往豐城縣查拏隨於初八日據報已

將黃森官及伊父黃廷臣拏獲并於黃森官家拏獲吳易盛等其先獲之黃心寬卽黃林官李子蘭供出之犯現在嚴拏另稟等情同日又據衢州府知府楊景震稟報續獲匪犯張齊雲周德二名并追起偽劄二張備錄訊過供情具稟到臣除卽分飭各該府無分疆界星飛選差按址密拏有名各夥黨務期全獲解歸浙省發覺地方嚴審究擬毋致姦匪稍有漏網外所有爲首渠魁已經就獲并續獲夥犯偽劄緣由合再繕摺奏

聞伏乞 聖鑒

硃批諭旨

奏

程元章

皇上睿鑒謹

奏

據奏渠魁已經就獲俟押解到案時遵照前諭嚴審定擬可也

浙江總督臣程元章謹

奏為奏明米糧價值雨水情形仰慰

宸衷事竊查浙省上年各屬田禾仰賴
朕之福全在汝等封疆大吏秉公竭誠有以感召
聖主洪福俱獲豐收惟湖州府屬之歸安烏程二縣夏
和風雨調順庶糞物阜民安化行俗美朕端居九重與
有榮焉若人各潔身自便而不圖維國事惟計一己之
聖明遠燭

天

害而不顧萬民之利必至百務廢弛地方
特命將該二縣應完漕糧改徵折色杭嘉二府復蒙
何而來浙省連歲歉收朕業既薄福何今且仰賴洪
福而遂俱獲豐收耶此等虛浮之奏經朕屢次訓飭已
將殊批諭旨刊刻頒賜汝等矣程元章獨無心乎莫
非二錢不等浙西杭嘉湖三府每石一兩一二錢至
一兩三四錢不等較之上年冬間每石已減價三

四錢民食有賴入春以來又幸雨水調勻菜花豆
麥俱各暢茂目下天氣溫和正在育蠶將來豐收
可望緣米糧價值雨水情形關係地方民生均厯

聖懷理合繕摺奏

硃批諭旨

卷

程元章

聞謹

奏

覽

浙江總督臣程元章謹

奏為陳奏事竊查臣衙門養廉一項經前督臣李衛奏留總督一半養廉銀五千兩并舊有鹽政衙門公費銀四千八百兩以資用度又

奏明每年兩次掣鹽每掣有規費銀二千兩為本身公事犒賞等用至

恩賞巡撫每年養廉銀一萬兩存於藩庫抵補從前無

著虧空迨後虧空已經補足前督臣李衛因用度不敷具摺

奏請奉

旨准其動用欽遵在案但臣素甘淡泊諸事儉樸辦事奴僕不過十餘人每年公事犒賞只須千金上下既有總督養廉五千兩鹽政衙門養廉四千八百兩再加掣規一項除犒賞外每年約有三千兩共計一萬三千兩臣謹身節用已敷辦理三衙門之奏用其巡撫養廉銀一萬兩臣到任以後並未支取仍存藩庫以充地方有益公事之用所有臣任內

動支養廉緣由相應據實

奏明伏祈

皇上睿鑒謹

奏

從前李衛督浙朕尚以為不敷在程元章今日即減至此數朕猶以為過分捫心自問方知毋斤斤以潔己為得也若仍執迷不克返省則受恩重者罪亦匪輕將來陷溺既深恐莫之能援矣督撫重任非權巧作用所能負荷惟竭誠格

天抒忠許國此外別無良策詳思而審處之可耳

浙江總督臣程元章謹

奏為欽奉

上諭事本年六月十三日接准大學士鄂爾泰張廷玉

字寄內開雍正十二年五月二十四日奉

上諭昨據隆昇摺奏海塘引河告竣請定善後事宜數條朕已諭令隆昇會同程元章詳悉定議具題請旨朕思善後事宜固應設立規條然亦必須該地方官實心奉行始有裨益況沿海沿江居民刮沙瀝滷每不樂於河道之疏通保無有作姦舞弊以圖自便其私者此等稽查防範皆地方官之責程元章始初辦

殊批諭旨

究

程元章

理此事識見不及今辦理既有成效程元章更當合志同心成此捍患禦災之善舉倘稍挾私衷回護一己顏面惟願淤塞新開引河以顯己是於地方公事不竭力經理以贖前謬以致有司怠玩懈弛奸民因而騁志有一於此則程元章之身家性命繫焉爾等可作字傳諭程元章知而慎為之欽此遵旨寄信前來等因到臣臣跪讀之下不勝悚惕惶恐愧悔交并伏念浙省海塘關係重大仰蒙我皇上睿慮周詳特降諭旨於中小壘地方開挖引河一道分江流入海以減

皇上睿慮周詳特降

水勢著臣等相度地勢酌量辦理臣隨詳加察勘因見地勢東邊微高西邊微低挖至數尺之下即係瀾沙恐難成功是以冒昧陳

奏今開挖成河南北兩岸居民靡不歡欣鼓舞感戴

皇仁而沿海竈丁向來刮沙瀝瀆必用車載肩挑八里

十里之遠始能裝船運竈茲河既通一葦可航往

來裝載鹽滷較為便捷所以此輩人等尤深慶幸

但思潔己不肯致身似此愧悔無地及見人之成功

以首為者適所以自害無如庸愚輩見不及此其奈之

何然亡羊補牢猶存回護惟願引河淤塞以顯己是視

殊批諭旨

百

程元章

務則今日之魏。海猶何。以當異時之噬臍。恐莫能及也。跪讀

諭旨。既感且愧。所有善後事宜。臣與隆昇詳悉妥議。會

題至地方官。敢有怠惰不力。及奸民從中舞弊者。臣

不時叅拏。以儆怠玩。而懲刁風。務使引河暢流。裨

益塘工。以仰副我。聖訓。竊效所。一。輩。可。庶。其。

皇上慎重海疆。軫念生民之至意。所有欽奉。旨。將。入。里

上諭緣由。理合恭摺。覆。兩。欽。此。且。願。不。傳。以。茲。獲。報。謹

奏伏祈。心。恩。如。以。旨。刺。

皇上睿鑒。謹。奏。伏。祈。聖。訓。不。傳。以。茲。獲。報。謹

奏。伏。祈。聖。訓。不。傳。以。茲。獲。報。謹

覽恩。能。示。信。新。何。可。發。武。恩。私。而。不。自。朕。矣。刑。亦。且。親

浙江總督臣程元章謹

聖奏為跪讀。而。一。却。吾。鄙。能。嗚。呼。無。以。之。交。奏。若

訓旨感激。覆奏事。竊。臣。陳奏。雨水情形。米糧價值。一。摺

皇。未。蒙。備。挂。大。吏。連。連。公。姑。而。不。蘇。祖。文。念。念。亦

殊批。朕之福。全在汝等。封疆大吏。秉公竭誠。有以感召

天和風雨。調順庶冀。物阜民安。化行俗美。朕端居九重。與

有榮焉。若人各潔身自便。而不圖維國事。惟計一己

之害。而不顧萬民之利。必至百務廢弛。地方彫敝。朕

福從何而來。浙省連歲歉收。朕業既薄。福何。且。仰

賴洪福而遂俱獲豐收耶此等虛浮之奏經朕屢次訓飭已將硃批諭旨刊刻頒賜汝等矣程元章獨無心自乎莫非各處良民而不知朕之憂民與天奪其魄而使然乎朕實代汝憂之欽此臣跪讀皇上訓諭封疆大吏事事務公誠而不務虛文念念在民生而不在一己乃臣熟聞聖訓於平日而一時昏瞶錯謬猶為此無知之妄奏若非蒙 天恩指示訓誨則臣終於愚昧而不自知矣所有臣跪

非蒙

誠然

奏讀恭辭聖訓未敢如衣其罪深明聖訓當於五月朔

訓旨感激微悃理合恭摺

奏謝

天恩謹 奏
觀汝景況朕所頒賜硃批諭旨總未過目也昏瞶錯謬何至於此

浙江總督臣程元章謹 奏

奏為陳奏事竊 臣於六月二十四日偶感時證身發寒熱時發時愈十有餘日臣雖勉強支持辦事而

醫家謂大汗之後避風數日最為緊要所以適當
奏兩次拜本之時臣不得已委中軍副將雷逢春在
大堂跪拜臣在內堂亦復望

闕九叩頭所有臣偶感時疫委官二次代拜本章緣由
臣不敢不據實陳明謹

奏

將國家公務一如爲己之周詳細緻何事不辦何政不
理耶

浙江總督臣程元章謹

奏爲恭報晚禾收成分數事竊照時當冬月正晚稻

刈獲之候行據各府將收成分數開報前來臣查
嘉興紹興二府所屬俱有十分收成其餘杭州湖
州寧波台州金華衢州嚴州溫州處州等九府各
土屬俱自七分至十分不等收成各屬自入秋以來
雨暘時若晚禾秀實俱獲豐收目今天氣晴和春
天恩花豆麥漸次插種齊全將來豐稔可期各府米價
奏自七八錢至一兩二三錢不等居民樂業地方寧
謐所有田禾收成米糧價值理合恭摺奏

聞伏祈

皇上睿鑒謹

硃批諭旨

奏

據奏浙省晚禾豐收米價平減欣慰覽焉

總督專管浙江巡撫臣程元章謹

奏為恭謝

天恩事本年十一月十二日接准吏部咨開雍正十二年十月十六日內閣奉

上諭向以浙江吏治營伍俱須整理而浙閩總督駐劄閩省未免隔越是以特授李衛為浙江總督兼管巡撫事務此係因時制宜隨材任使一時變通之政事竝未永著為例也今浙江事務經李衛辦理以來已

漸整頓而程元章又切以伊之才力難兼總督巡撫鹽政三重任恐致曠誤為辭頃郝玉麟來京陛見朕看其才具精神足以貫注兩省著仍照舊制命郝玉麟為浙閩總督程元章以總督銜專管浙江巡撫竝命兩浙鹽政事務等因欽此移咨到臣臣跪讀之下不勝感激涕零伏念臣謏陋庸才蒙我

皇上知遇宏恩畀以全浙重寄兩載以來時切悚惶誠思冒恐緊要封疆稍有曠誤有負

皇上任用之至意是以不揣冒昧據實

關奏請另簡賢能赴浙任事容臣趨叩

闕廷朝夕跪聆
聖訓俾獲敬謹遵循力圖報稱今奉

恩旨將總督事務仍照舊制歸於閩省督臣管理

命臣以總督銜專管巡撫鹽政則責任既分或可竭蹶
辦理不致隕越聞

命自天感激無地臣惟有殫竭駑駘心力倍加奮勉以

冀仰報

聖恩高厚於萬一除總督事務現在料理清楚俟福建

督臣郝玉麟到浙移交辦外所有在臣感激愚忱

漸理合恭摺

奏謝謹

奏

向日李衛督理浙鹽可謂盡善近聞兩浙鹽務頗不及

前似有漸至廢弛光景慎為之虛譽未必能抵實禍偷

一時之安致無窮之累當審度之莫忽

總督專管浙江巡撫程元章謹

奏為陳奏事竊惟前督李衛督理以來賦意懇懇

國家設立鹽政因天地自然之利用以裨益羣生上

裕賸計能五百六十萬一千六百七十餘萬

國課下資民食其間恤商養竈良法美意無不備至

殊批諭旨

重

程元章

惟在司事者調劑得宜斯能行之無弊臣查兩浙年額行銷正引七十萬一千六百九十餘道從前因行引地方半爲私梟侵占而松江一所爲尤甚以致引壅課絀自前督臣李衛兼理以來加意整頓禁逐私梟銷清歷年壅引至雍正七年起每年兩引掣溢銷餘引二三十萬道不等臣接任辦理一切掣驗運銷事宜仰遵

聖訓恪守成規而於督緝私鹽創懲梟販尤不敢一刻懈怠數年以來不獨積販巨梟必按律究擬卽零星小販亦未嘗少存姑息是以現今兩浙各所引

鹽俱獲廣銷無滯計臣任內掣數每年俱銷餘鹽三十餘萬引溢餘課費等銀二十五六萬兩不等年銷年引年清年款商人亦各踴躍急公竝無誤課較前歷掣有盈無絀此皆仰蒙我

皇上訓示周詳俾臣得以遵循辦理臣斷不敢以現在掣數有增稍存怠忽之心惟有倍加整理防微杜漸留心督緝務期私梟斂跡官引廣銷以仰副聖主整飭離綱之至意所有臣歷掣遵循辦理緣由理合據實繕摺

奏明伏祈

皇上睿鑒謹

奏

鹽務之整飭廢弛人所共知共見顯然有據何在多言
但李衛之整飭乃出於公忠體國任勞任怨非歸怨於
上邀譽於下以示不得已於屬員兵民之舉耳鹽務倘
稍至廢弛不妨更令李衛赴浙督辦自復就緒彼時不
知程元章何顏立於當世也勤慎爲之

總督專管浙江巡撫臣程元章謹

奏爲陳奏事竊查兩浙竈地配丁辦課之外海塗漲
沙廣濶可墾之地甚多祇以外無堵禦潮汐往來

種植無益遂致淪棄水濱今竈丁生齒日繁地未
加廣各竈謀食維艱煎鹽辦課多有拮据臣思地
有餘利人有餘力誠能因民之利而利之勸導鼓
舞築塘以禦潮汐建閘以資蓄洩則塘內沙塗均
可開成沃土雖竈地科則甚輕於民賦然使窮丁
衣食有資安心煎鹽辦課實於鹺務更有裨益臣
先於鳴鶴一場立法勸諭飭令場員趙湘按丁築
塘按丁分地不許豪強霸占各丁歡欣踴躍爭趨
赴工不一月而告成報墾地一萬四千餘畝經臣

奏具摺又嚴行各屬趙襄等嚴禁私墾等語

奏明臣又通行各場鼓舞勸導如有此等棄置沙塗
飭令下例興築旋據附近鳴鶴之清龍石堰三場
竈丁覩此築塘利益咸願接築土塘現在興工舉
行其餘各場亦皆聞風踴躍咸願按丁出力計丁
分地一體興築惟是土塘之中尚有應建閘座以
備蓄洩之處因工費無出羣相等畫臣思築塘墾
地贍養窮民乃地方有益公務今竈丁既願各出
己力挑築數百里之土塘已省數萬兩之工費若
再令其捐建閘座竊恐民力不能仍致觀望推諉
臣查兩浙衆商公用引費加意撙節每年遞有節

省餘銀除將臣任內四掣節省銀兩兩次

奏充海塘工費外臣請將第五掣節省餘銀酌撥爲
建閘工料之用庶不費民財而工程易竣臣現在
飭令該管道府縣場各官并遴委勤幹能員分場
督勸實力舉行如有必需建閘之處確估工料造
冊詳請酌給工完核實報銷現今各場竈丁咸知
樂利莫不歡欣踴躍感戴

皇仁爭趨挑築容俟工竣之日文明墾田實數同動支
建閘銀兩分別造冊送部陞科報銷查明實心任
事之員

奏請之員

恩旨議敘外臣謹將勸築塘堤建閘開墾事宜繕摺陳

皇奏伏祈

皇上訓示遵行謹

奏

但還朕是當二字何不可之有

總督專管浙江巡撫臣程元章謹

奏為據實奏覆仰祈

睿鑒事本年四月十六日接准大學士臣鄂爾泰張廷

玉字寄內開雍正十三年四月初一日奉

上諭有人密奏浙江仁和縣知縣錢學洙貪婪各款似

此不法劣員朕尚聞知程元章身為督撫何以漫無

覺察爾等可寄信密問程元章並將各款寄去若其

中果有確實之處著卽具本嚴叅欽此遵

旨寄信前來并款單一紙到臣跪讀之下不勝悚惕

聖主伏念臣以庸愚荷蒙

聖恩高厚簡畀封疆重任察吏安民乃係專責況仁邑

附郭省會屬在同城尤宜不時留心體察今奉

諭旨詢問著將各款查明其中果有確實之處具本嚴

聖明叅仰見

殊批諭旨

聖明整肅官方務期核實之至意臣欽遵

諭旨謹按款單逐一細加察查均無實據查錢學洙年

力強壯辦事尚屬勇往操守亦謹但其為人過於

聖恩剛執不避嫌怨者有之臣荷

聖主知遇隆恩惟矢此一念愚誠冀圖仰報萬一斷不

自濟敢於屬吏劣蹟稍存徇隱自蹈欺罔之罪臣謹按

中原開各款逐一分晰另單呈

覽外所有欽奉

上諭緣由理合繕摺據實

奏覆并將款單恭繳伏祈

皇上睿鑒施行謹

奏

果如是則前奏為不確矣但其中若稍有徇庇屬員回
護已失情故則日後領罪不起也當切加訓誡錢學洙
令其勉力奉職特諭

總督專管浙江巡撫臣程元章謹

奏為恭報春花收成分數事竊照浙省今歲入春以

來雨水調勻春花豆麥俱各暢茂時當仲夏刈獲

登場行據各府將收成分數開報前來臣查惟紹

興府屬收成均有十分其餘杭嘉湖寧台金衢嚴

硃批諭旨

軍

程元章

溫處等十府所屬收成九分十分者居十之三
八分者居十之五六七分者居十之二而杭嘉湖
三府屬所育蠶絲亦各收成八九分不等當插秧
之候正值霽雨時行早晚二禾俱已布種齊全現
在青葱長發秋成可望各府米糧每石自七八錢
至一兩一二錢不等價值頗平居民樂業地方寧
謐所有春花收成米糧價值理合繕摺奏

聞伏祈

皇上睿鑒謹

奏

朕訪聞浙省三郡因春寒蠶絲頗屬不及今乃云八九
分收成殊與前聞不符是何故也

圖書

師圖書
館藏

...

...

...

